



ყოველკვირეული საზოგადოებრივი, სამეცნიერო და სალიტ. გაზეთი

№ 3

8 ივნისი 1908 წ.

ფასი 10 კ.

შინაარსი: რედაქციისაგან.—რა არის ნაცია? **ონ—ისა.**—სამეცნიერო საუბარი, **ივ. გომართელისა.**—სხვა-და-სხვა ამბები.—რუ-სეთში.—უცხოეთში.—მოვარევი წამიყვა (ლეკი), **ნარ-კანისა.**—პატარა ტალღები დიდ ზვირთებში, **ჩანმანისა.**—სახელმწიფო დუმა.—ჟურნალ-გაზეთებიდან.—სომეხთა კათოლიკოსის არჩევის შესახებ, **ერთი სომეხის.**—მასწავლებელი (მოთხრობა), **პართენაშვილისა.**—წერილი რედაქციისადმი.—განცხადებანი.

რედაქციისაგან.

ამ ნომერში უადგილობის გამო ვერ მოთავსდა წერილი გზ. „ნაპერწკალი“-ს (იხ. № 6) სარედაქციო დეკლარაციის საპასუხოდ. დაიბეჭდება „ჩვენი კვალის“ შემდეგ ნომერში.

II. რა არის ნაცია?

I. სხვა-და-სხვა თეორიები და შეხედულებანი.

ერთ გერმანელ მწერალის (ბაგოტის) აზრით ნაცია ანუ ერთი ეკუთვნის იმ გვარ მოვლენათ, რომელიც ჩვენ ყველამ ვიცით რაც არის, მაგრამ ვიცით მხოლოდ იმ დრომდე, სანამ შეგვეცოცხლებიან მისი ახსნა-განმარტებას. მეორე რომელიღაც მწერალი ამბობს, რომ ნაციის განმარტებაზე თავს ისე გრძნობს თითქმის გინდოდეს ჰაერი მოხვეტო და ხელით დაიჭიროვო. თვითონ კაც-კი ერთ თავის უკანასკნელ ნაწარმოებში—ამ საკითხის შესახებ—შენიშნავს, „ეროვნება არის ისეთი რამ, რომელიც მუდამ ხელიდან გისხლტება, რამდენიც კი მოიწადინებ მის დაჭერას (განმარტებას)“. ამიტომ საკვირველი არ არის რომ სწავლულთათვის ჯერ კიდევ საკამათოა ის, თუ რა არის ნაცია, რა შეადგენს მის არსებას. მაგრამ თუ ჩვენ ჯეროვანათ არ გვეცოდინება აღძრული საგანი, ისე შეუძლებელი იქნება გზა გავეცლიოთ თანამედროვე სოციალ-პოლიტიკურ ცხოვრებაში, შეუძლე-

ბელი იქნება ჯეროვანათ ანგარიში გაუწიოთ ყველა იმ მოთხოვნებს, რასაც წინ გვიყენებს დღეს აგრე წოდებული ნაციონალური პრობლემა.

ზოგიერთ წრეებში საკმაოდ გავრცელებულია ის აზრი, ვითომ ნაციის შეადგენდეს ერთ სახელმწიფო ჩარჩოში მცხოვრები ხალხი. ამ აზრს ბეჯითათ ავრცელებენ განსაკუთრებით გაბატონებულ ერთა ბურჟუაზიის იდეოლოგები, რათა „მეცნიერების“ დახმარებით თავიანთ მომავლინებელთა კუქს გაუადვილონ დაჩაგრულ ერთა მოწოდება. ამ შეხედულებას ადგია უფრო ასე წოდებული „ოფიციალური მეცნიერება“ ევროპის ბევრ სახელმწიფოში ოფიციალური ქაღალდებისთენ ტერმინები „ეროვნება“ (ნაციონალიტეტი) იხმარება ნაცვლათ ტერმინისა „ქვეშევრდომი“ (Sujet) ე. ი. ამა თუ იმ სახელმწიფოს კუთვნილების აღსანიშნავათ.*) ამ შეხედუ-

*) ტერმინების ასე ხმარების გამო, ამ რამდენიმე წლის წინათ, ერთ ქართველ პატრიოტს ბ-ნ ს-ს (თუ არ ვცდები ჟენევაში) ასეთი კუროში დაემართა. რადგან პოლიცია აღგენს ხოლმე მცხოვრებთა „ვინაობის ბარათს“, ერთ მშვენიერ დილას ხსენებულ ქართველ პატრიოტსაც სახლში ფოსტით მიერთვა ასეთი ბარათი და იქ რუბრიკაში „რა ეროვნებისა?“ ჩაწერილი იყო „რუსი“ (პოლიციამ უკვე იცოდა, რომ ბ-ნ ს-ს რუსეთის სახელმწიფოდან იყო). „რუსი“ს დანახვაზე ჩვენს ქართველს ელდა ეცა; იგი უმაღლესე გაქანდა პოლიციის ნაწილში და „ვინაობის ქაღალდი“

ლებას ლიტერატურაში ძალიან ნაკლებათა ჰყავს დამცველნი. ამით ამ ბოლო დროს სხვათაშორის მიემატა ერთი ახალგაზდა ბელგიელი მწერალი ლეონ ჰენეზიკი, რომელიც თავის თავს სოციალისტათ აღიარებს, თუმცა მის სოციალისტობას ბელგიის მუშათა პარტია არა სცნობს. აღსანიშნავია, რომ ზოგჯერ ამ ბურჟუაზიულ შეხედულების მსხვერპლნი ხდებიან აგრეთვე ზოგიერთი ჩვენებური სოციალდემოკრატები.*) ამით ასე ემართებათ, რასაკვირველია, შეუგნებლათ და უნებლიეთ. ამ შეხედულების გამომხატველათ და დამცველათ ჩვენ პრესაში ამ ბოლო დროს გამოვიდა ბ-ნი არჩილ ჯორჯაძე.

„უსახელმწიფოთ—ანობს იგი—ერი არ არის... ერი, ან სამშობლო—ეგ უწინარეს ყოვლისა ადამიანთა მასსა, რომელიც სცხოვრობს ერთ კანონის ქვეშ“ (იხ. „ამირანი“, № 41. „სამშობლო და მამულიშვილობა“). ასეთი განმარტება რომ მივიღოთ, მაშინ იძულებული ვიქნებით ყოველთვის ერთ ნაციით გამოვაცხადოთ ერთ სახელმწიფოში, ერთი კანონის ქვეშ მცხოვრებნი, მაგ. შვეიცარიაში მცხოვრები ფრანგები, გერმანელები და იტალიელები. ასეც იქცევა ბ-ნი ჯორჯაძე. იგი აცხადებს, რომ „არსებობს ერი შვეიცარიელთა“ (იხ. იქვე); მაგრამ დიდი დაკვირება არ არის საჭირო ამის დასაწახათ, რომ აქ ერთმანეთში არეულია ორი სრულიად სხვა და სხვა ცნება, სახელდობრ ხალხი, როგორც სახელმწიფოს მცხოვრებნი და ხალხი, როგორც ერის შემადგენელი კრებული.

ეს შეცდომა უფრო იქიდან მომდინარეობს, რომ სახელმწიფოს, საზოგადოთ, დიდი მნიშვნელობა ჰქონია

თავში მიხალა „კომისარს“ (ბოქაულს), თანაც თვალზე დაჰყეტო პოლიციელს მკვახეთ განუცხადა: „მუხიო, კარგათ იცოდეთ, რომ მე მაგ ქალაღს არც ჯიბეში ჩავიდებ და არც სახლში დავაყენებ, რადგან შიგ ჩემი პირადი, სასტიკი შეურაცყოფა მოთავსებულია. მეორე სახელმწიფოში, რადგან ამავე ნიადაგზე რუსეთს სტუდენტობას ხშირათ ლაპარაკი მოსდიოდა ერთ ოფიციალურ დაწესებულებასთან, ამან გონიერულათ ახალი ბლანკები დააბეჭდინა და „ეროვნების“ ნაცულათ შეიტანა „ქვეშევრდომი“. მართალია აქაც მოხდა ერთი კურიოზი. ერთ ქართველ სტუდენტს დოკუმენტში ჩაუწერეს: „ქვეშევრდომია საქართველოსი.“

*) ლიტონ სიტყვათ რომ არ ჩამოგვარდვან, გაგახსენებთ თუნდ იმას, რომ განვიღოთ მოძრაობის დროს, როცა დამარცხდა რევოლუციონერ ფრაზეოლოგიისა და პროლეტარიატის განმარტების ტაქტიკა, და ცხოვრებამ იმპერატიულათ, ბარდაუვალ ბრძანებით ბიკარნახათ ის ტაქტიკა, რასაც ამ სტრუქტურების დამწერი გეგმიზნებლათ ბევრით აღრე, ვინემ პროლეტარიატი განიცდიდა სასტიკ დამარცხებას, აი მაშინ ზოგიერთ ამხანაგებმა, პირზე დაიკრეს „საერთო ნაციონალური მიზნები“, როგორც ამას ბამოხსტქამდენ ზოგიერთი რუსი ამხანაგები „общенациональные задачи“ ე. ი. ისეთი მოთხოვნების წამოყენება და ხაზბასმა, რომელიც საერთო იქნებოდა რუსეთის სახელმწიფოში მცხოვრებ ყველა ნაციების ყველა პროგრესიულ კლასებისა და საზოგადოებრივ ჯგუფებისათვის. ცხადია, ამ შემთხვევაში ეს ამხანაგები ნაციით აღიარებდნენ მთელ იმ ხალხს, იმ 150 მილიონ მცხოვრებთ, რომელთაც შემორტყმული აქვს ერთი რკინის სალტე წოდებული რუსეთის სახელმწიფოთ.

ერის *) განვითარებაში, თუმცა არც იმდენათ დიდი, როგორც ამას ფიქრობს ბ-ნი ჯორჯაძე; მაგრამ მაინც მას არა იშვიათათ გამოუჩენია ისტორიის განმავლობაში „ძალა გათქვეფისა, ჩაკირვისა და შეერთებისა“. ეს აგრეთვე უნდა ყოფილიყო, რადგან სახელმწიფო ადამიანებს მჭიდროთ აკავშირებს განსაზღვრულ ტერიტორიასთან და ამ რიგათ მათ შორის აბავს მუდმივ ურთიერთობას, რაიც საფუძვლათ ხდება როგორც ინდივიდუალური, ისე საზოგადოებრივ განვითარებისათვის. სხვა და სხვა ნაციის ხალხი, ერთ სახელმწიფო ჩარჩოში მოტანებული, შეიძლება ერთმანეთში გაითქვიფოს და ერთ ნაციით შედუღდეს, მაგრამ შეიძლება მოხდეს წინააღმდეგობა ასე მაგ. ავსტრიაში საერთო სახელმწიფო ცხოვრებამ არამც თუ არ გათქვიფა, არ ჩაკირა და არ შეერთა სხვა და სხვა ნაციები, არამედ იქ ასპარეზზე გამოიყვანა ახალი ნაციები, და რაც დრო მიდის, იმდენათ ავსტრიის ერები უფრო და უფრო მეტ უნარსა და ენერგიას იჩენენ თავიანთ ეროვნულ თვითარსებობის დასაცავთ და ეროვნულ განვითარების უზრუნველ საყოფელათ.

ბ-ნი ჯორჯაძემ დიდი შეცდომა ჩაიდინა, როცა მან სახელმწიფოს აუკვიატა (ძალათ შეუკავშირა) ერი და პირველი მეორეს წარმომშობათ და ბედ-იღბალის გადამწყვეტათ გამოაცხადა. ეს შეცდომა თავის დროზე სამართლიანათ აღნიშნა ანმა (იხ. მისი „სადაო საკითხები“ „ცხოვრების სარკე“ № 18), მაგრამ ამან თავის მხრივ არა ნაკლები შეცდომა დაუშვა, როცა გვაუწყა „ნაციის დამახასიათებელია ტერიტორია“. „(ცხ. სარკე“ № 9, „ნაციონალური კითხვა“) ნამდვილათ კი ტერიტორია დამახასიათებელია სახელმწიფოსი და არა ნაციისა, ტერიტორია არის შემადგენელი ელემენტი სახელმწიფოსი, ეს უკანასკნელი და არა ნაცია არის მატარებელი ტერიტორიალურ პრინციპისა. ასე გვასწავლის თვით სახელმწიფო უფლება. მართალია ტერიტორიის დიდი მნიშვნელობა აქვს ნაციის განვითარებაზე, ის ერთობ დიდ როლს თამაშობს ნაციის ბედ-იღბალში და აი სწორეთ ეს გარემოება იძლევა ილიუზიას, ვითომ ტერიტორია იყოს ნაციის არსების ერთი შემადგენელი ნაწილი. ასე მაგ. თუ ერთი და იგივე ნაცია გაითიშა, განცალკევდა ტერიტორიალურათ და ამ რიგათ დაყოფილ ნაწილთა შორის შეწყდა სისტემატიური მიმოსვლა-ურთიერთობა, მაშინ ნაწილები უეჭველათ ითიშებიან ნაციონალურათაც, ე. ი. აღგებიან გადაგარების გზას და ბოლოს და ბოლოს გადიქცევიან სხვა და სხვა ნაციებთ. მაგრამ ასე არა ხდება ყოველთვის. თუ ნაციას უკვე მიუღწევია განვითარების განსაზღვრულ სიმაღლემდე და ამასთანავე უკვე შექმნილა ურთიერთობა—მიმოსვლის იმგვარი საშუალებანი, როგორიც არის რკინის გზები, ორთქლითმავალი გემები, ფოსტა-ტელეგრაფი, ტელეფონი, ამასთანავე წიგნები და ჟურნალ

*) მკითხველს ვთხოვ დაიხსენოს, რომ სიტყვებს „ნაცია“ და „ერი“ ვხმარებთ ერთ და იმავე ცნების აღსანიშნავათ: მათ შორის არავითარ განსხვავებას არა ვდებ.

გაზეთობა, მაშინ ნაცია, განცალკევებული ტერიტორიალურად, სრულებითაც არ იშლება ნაციონალურად. თანამედროვე ისტორია მოწმობს, რომ ასეთ პირობებში განცალკევებული ნაწილები თანდათან კვლავ უახლოვდებიან, მკვიდრად უკავშირდებიან ერთმანეთს და განაგრძობენ საერთო ნაციონალურ არსებობას. ხოლო თუ ნაცია იმდენად დაიქსაქსა ტერიტორიალურად, რომ მას აღარ მოეპოვება ერთი ნაციონალური კერა, ე. ი. ერთი ადგილი, სადაც სცხოვრობდეს განსაზღვრული რიცხვი მისი ეროვნების ადამიანებისა, თუ აღარ მოეპოვება ერთი თუნდა პატარა აუზი, საიდანაც ეროვნული სიცოცხლის ნაკადული ეგზავნებოდეს მის დაქსაქსულ ნაწილებს, მაშინ ეს ნაცია უქვეყნაო ისპობა. მაგრამ ასე ხდება იმიტომ კი არა, ვითომ ტერიტორია იყოს ნაციის არსების შემადგენელი ელემენტი (ნაწილი), არამედ მხოლოდ იმიტომ, რომ ტერიტორია, დედა მიწა „დედაა“, ბუნებრივი ნიადაგია, როგორც ყოველგვარ სიცოცხლის, ისე ყოველგვარ სოციალურ მოვლენის და ერთ სწორედ ასეთ მოვლენას შეადგენს ეროვნება.

დიდ ხანს ფიქრობდნენ, ვითომ ნაციას ჰქმნიდეს საერთო ჩამომავლობა, ერთი გვარტომობა. თითქმის ყოველ ნაციას მოეპოვება ზღაპრული თქმულებანი, რომელიც მოგვითხრობენ მის ერთ დედ-მამისაგან წარმოშობას. მართლაც თვითვე ნაციას ჰყოლია საერთო წინაპრები, მაგრამ დღეს აღარ მოიპოვება თითქმის არც ერთი ნაცია, რომლის შემადგენელ ადამიანთ ძარღვებში არ ედგას სხვადასხვა მოდგმის სისხლი. მეცნიერებამ დანამდვილებით იცის, რომ მაგ. იტალიელები ჩამომავლები არიან ეტრუსკელების, რომაელების, კელტების, სარაციანელების, ბერძნების და გერმანელების; თვითონ დღევანდელი გერმანელები ჩამომავლები არიან გარდა ძველ გერმანელების, აგრეთვე სლავიანების, კელტებისა და სხვ., ხოლო დღევანდელი ფრანგების სისხლში ურევია გალების, ბრიტების, რომაელების და გერმანელების სისხლი და სხ.

თქმა არ უნდა, რომ არც სარწმუნოების ერთობა ჰქმნის ნაციას. მიუხედავად ამისა, რომ სარწმუნოებაც ზოგჯერ თვალსაჩინო როლს თამაშობს ერის ცხოვრებაში. მაგ. განსაზღვრულ პირობებში ნაციის სარწმუნოებრივ განცალკევებამ შეიძლება საოცრად ხელი შეუწყოს ამ ნაწილების ნაციონალურ განცალკევებას ე. ი. ნაციონალურ გადაგვარებას. ასე ხდება, როცა ერი იმყოფება კულტურის უმდაბლეს საფეხურზე, როცა სარწმუნოება შეიცავს და თავის ელფერს ადებს ხალხის თითქმის მთელ სულიერ კულტურას. მდამიო ხალხი დღესაც ერთმანეთში ურევს „რჯულსა“ და ეროვნებას¹⁾; მაგრამ ყველა ოდ-

ნავეც შეგნებული დღეს კარგათ ხედავს, რომ ერთ და იმავე ნაციის ადამიანები უმეტეს ნაწილად სხვა-და-სხვა სარწმუნოებას აღიარებენ და ამით სრულიადაც არ ირღვევა ნაციონალური ერთიანობა.

ამაზე ლაპარაკიც მეტია. სამაგიეროდ სერიოზულ განხილვას ითხოვს ენა, რასაც ბევრი სწავლული აღიარებს იმ ცემენტად, რომელიც ადამიანებს ადუღებს ერთ ნაციად. ენა მართლაც და აუცილებელი პირობაა ადამიანთა შორის რაიმე ურთიერთობის გასაჩენად, რაიმე საზოგადოებრივ ცხოვრების ასაღორძინებლად. ენის საშუალებით ინახება ზნე-ჩვეულება, ენით, ზვიპირ-სიტყვით და ნაწერი თუ ბეჭდური სიტყვით ერთი თაობიდან მეორე თაობაზე გადადის ადამიანთა ცოდნა-გამოცდილება და სხ. ენას უქვეყნაო შესწევს ძალა ნაციის ჩაკერვისა და კონოლიდაციისა (გამაგრებისა), ენის როლი იმდენად დიდია, რომ ძნელია მისი მნიშვნელობის გადამკარება, მაგრამ კაუცკის, ჩვენის ფიქრით, მაინც გადაკარბებულია აქვს წარმოდგენილი ეს მნიშვნელობა.

„ჩვენის აზრით—სწერს კაუცკი—ეროვნების ურთიერთების დამახასიათებელი ნიშნობლივი თვისება არის ენა²⁾. კაუცკისათვის ენა არის დედა ძარღვი ნაციის არსებობისა. იგი იქამდის მიდის, რომ სწერს: „ინგლისელი (მაგალითად) ინგლისელად რჩება იმ დრომდე, სანამ ის ინგლისურს უფრო უკეთ ლაპარაკობს, ვიდრე სხვა რომელსამე ენას. ხოლო თუ ის ბერლინში იცხოვრებს იმდენ ხანს და ინგლისელებთანაც ისე გასწყვეტავს კავშირს, რომ ინგლისურ ენას დაივიწყებს და გერმანული ენა გახდება მისთვის იმ ენათ, რომელზედაც მას უკეთ შეეძლება ლაპარაკი, ვინემ სხვა რომელსამე ენაზე, აი ენის ამგვარი შეცვლით იგი (ინგლისელი), რასაკვირველია, იქცევა გერმანელად“³⁾.

ამ აზრის უსაფუძვლობა თავის თავად ცხადია. ვინ არიცის, რომ მაგ. ქართველობაში ბევრი ინტელიგენტი რუსულად უკეთ ლაპარაკობს, ვიდრე ქართულად, მარა მიუხედავად ამისა, არც თვით იმ ინტელიგენტებს და არც სხვას ჯერ არ მოსვლია აზრათ ის ფანტასტიური აზრი, ვითომ იგინი ამიტომ რუსები იყვნენ და არა ქართველები. „შენი ენის მცოდნე—ამბობს კიდევ კაუცკი—მეგობრად გიხდება, არ მცოდნე—უცხოა, რომლისადმი გრძნობენ-გარემოების და მიხედვით—ან გულგრილობას, ან დაცინვას, ან ზიზღსა და ან სიძულვილს.“⁴⁾ მაგრამ მაგალითისათვის შორს რომ არ წავიდეთ—გეხსოვებათ ამ დღეებში ზიზღსა და სიძულვილს, რომლის გამომხატველი შეიქმნა გაზ. „გოლოს კავკაზა“, წინ ვერ გადაელობა ერთ და იმავე ენის ცოდნა. კაუცკი ასე განმარტავს თავის აზრს: „უცხოეთში ნაციონალური განსხვავება ხშირად უფრო ძალუმათ იჩენს თავს, ვინემ უმკაცრესი კლასიური წინააღმდეგობა. თუ მაგ. გერმანელი მუშა წავა საფრანგეთში და არ ეცო-

¹⁾ ერთხელ ერთმა ქობულეთელმა მაჰმადიანმა ქართველმა, ჩემ შეკითხვაზე თუ რა ეროვნებას ეკუთვნოდა, —მომიბო „თათარი ვარა“; როცა შევნიშნე, რომ მას ქართველობასთან ბევრი რამ აკავშირებდა, მან მიპასუხა: „ეგენი მართალია ქართველის გვაქვს, მარა ჩვენ მაინც ყოლიფრამდი თათარი ვართ, რადგან ჩვენი რჯული თათრისაა“.

²⁾ იხ. Nationalität und internationalität გვ. 6.

³⁾ იხ. Кризисъ Австрiи (Языкъ и нация) გვ. 4.

⁴⁾ Кризисъ. Австрiи გვ. 5

დინება არც ერთი სიტყვა ფრანგული, არც თავის გვერდით ეყოლება გერმანულათ მოლაპარაკე კლასიური ამხანაგები, მაშინ ის მიუხედავად ყველა ინტერნაციონალურ და კლასიურ თვითშეგნება-სოლიდარობისა, ფრანგ პროლეტარებ შორის თავს ძალიან ცუდით იგრძნობს, და პირველსავე გერმანელს, რომელიც მას გამოელაპარაკება, თუნდაც ეს იყოს ექსპლოატატორი (კაპიტალისტი), ვისაც იგი სამშობლოში სიძულვილით უყურებდა, უცხოეთში სიხარულით მიესალმება⁵⁾ აქ აღებულია ისეთი შემთხვევა, როცა ნაციონალური განსხვავება მართლაც უკიდურეს ძლიერებით იჩენს თავს. მაგრამ აღნიშნულ პსიქოლოგიას იწვევს არა მარტო ენის სხვა-და-სხვაობა. ყველამ იცის ის ფაქტი, რომ უცხოეთში ხშირათ სიამოვნებით ხედებიან თავის ნაციის ადამიანებს თვით ისენიც, ვინც უკვე კარგათ ლაპარაკობენ უცხო ენას. ჯერ კიდევ გრიბოედოვმა სთქვა, რომ „უცხოეთში (როცა იმოგზაურებ) სამშობლოს ბოლიც კი მოგვწონს და გვესიამოვნება“. ამ დღეებშიაც ჩვენმა მცხოვრებმა პოეტმა აკაკიმ გამოაქვეყნა ერთი გული-უბრყვილო ლექსი „პეტერბურგი“, სადაც იგი გვიხატავს თავის სულიერ მდგომარეობას, რაც მან განიცადა ეხლახან პეტერბურგში ყოფნის დროს. ბ-ნი აკაკი მშვენიერათ მცოდნე რუსული ენისა—ათვალიერებს, აკვირდება რუსეთის სატახტო ქალაქის და მის მცხოვრებთა სხვა და სხვა მხარეებს, მაგრამ მას თვალში არაფერი არ მოსდის და მისი გული-გონება ისწრაფის საქართველოსაკენ. პოეტს რუსის ქალიც კი აღარ უნდა დაინახოს, ქართველი ქალი კი... „ოჰ, ღმერთო ჩემო, რა ლამაზია.

იმის ერთ კაცნას შესწირავ სრულად, შენი რომ იყოს მთელი აზია!..“ როგორცა ხედავთ, აქ უკვე ენა აღარაფერ შუაშია.⁶⁾

ენის სასარგებლოთ კაუტცის მოყავს ერთი მეტათ მკვეთრი არგუმენტი, სახელობრ, ის სამართლიანათ აღნიშნავს, რომ არც დღეს და არც გუშინ არ ყოფილა, ისტორიამ არ იცის ისეთი ნაცია, რომ არ ჰქონოდეს საერთო ენა. (დიალექტები თუ კილოკავები, რასაკვირველია, სახეში მისაღები არ არის). მართალია ებრაელები სხვა და სხვა ენაზე ლაპარაკობენ, მაგრამ ებრაელების თვით ნაციაც ბევრისთვის დღეს საეჭვოა თუ არსებობს, ყოველ შემთხვევაში ებრაელები არ წარმოადგენენ ტიპიურ ნაციას. ეს ასეა მარა, ჩვენ კაუტცის შემოთავაზებულ არგუმენტს დავუბრუნებთ შემდეგ გარემოებას. ირლანდიელები და ინგლისელები, დანელები და ნორვეგიელები, სერბები და კრატები და სხვა და სხ. ერთსა და იმავე ენაზე ლაპარაკობენ, მაგრამ ერთსა და იმავე ნაციას კი არ შეადგენენ. ეს მოვლენა ჩვენთვის საბოლოოთ გაუგებარი დარჩებოდა, თუ კი ვირწმუნებდით, ვითომ ენის ერთობა ჰქმნიდეს ნაციას.

⁵⁾ Nationalität und internationalität. გვ. 7—8.

⁶⁾ აღნიშნულ ნაციონალურ ბრძნობას არც ვიწონებთ და არც ვიწუნებთ. ამაზე ცალკე გვექნება ლაპარაკი. აქ კი აღნიშნავთ მარტო ფაქტს.

ცხადია ენა ვერ აგვიხსნის ნაციის არსებას. მაგრამ თუ ვერც ენა, ვერც ჩამომავლობა, ვერც ტერიტორია და სხ. და სხ. ვითომ ნაციის ელემენტები, ცალკე-ცალკე აღებული, ვერ იძლევა საკითხის ახსნას, შეიძლება ყველა ეს ელემენტები ერთათ აღებული შეიცავდნენ საილუმოების გასაღებს. სწორედ ასე ფიქრობენ განსაკუთრებით იტალიელი სოციოლოგები. ამათი თეორიით ნაციას შეადგენს საერთო ტერიტორია, საერთო ჩამომავლობა, საერთო ენა, საერთო ზნე-ჩვეულება, საერთო ქირი და ლხინის გამოცდა, საერთო ისტორიული წარსული, საერთო კანონები და საერთო სარწმუნოება. ასეთია ემპირიული თეორია. ამ შეხედულებას, სხვათა შორის, კემპარიტათ სცნობს ანი. იგი სწერს: „ხალხს ერთ ენაზე მოლაპარაკე, ერთ ტერიტორიაზე მოსახლე, ერთნაირ ზნე-ჩვეულებით, კულტურით და სხ. წარმოადგენს ერთ ერს ანუ (?) გვარტომობას“⁷⁾ (იხ. „ცხ. სარკე“, 18). მაგრამ ეს თეორია სრულიად სხვა-და-სხვა ძალისა და მნიშვნელობის გარემოებათ ერთსა და იმავე ქვაბში აქცევს; არ გვეუბნება თუ რათ ხდება, რომ ხშირათ არა ერთი და ორი აღნიშნული ელემენტი იკარგება ხოლმე, ნაცია კი არამც თუ არ იკარგება. პირიქით უფრო მკაფიო გამოხატულებით განაგრძობს ხოლმე არსებობას, ეს თეორია იძლევა — მეტ-ნაკლების სისწორით—მხოლოდ ნაციის გარეგან აღწერილობას, იგი დასცურავს მოვლენის ზედაპირზე, სრულებითაც ვერ გვახედებს მის არსებაში; ეს არ არის მეცნიერული თეორია და როგორც ამნაირი უნდა უარყოფილ იქმნას.

ონ.

სამეცნიერო საუბარი

ცხოველების განვითარება.

მეცნიერული ცოდნა ცხოველების წარმოშობისა მეცხრამეტე საუკუნემდე არ არსებობდა. საშუალო საუკუნოებში გამეფებული იყო სამღვდლოება, რომელიც სასტიკათ იცავდა სამღვთო წერილის ყოველ სიტყვას და მეცნიერულ კვლევა ძიებას სდევნიდა. მეცნიერებს ცეცხლზედა სწვამდენ, ციხეებში ალბობდნენ და ამ გვარ პირობებში კემპარიტი ცოდნის აღორძინება და გავრცელება შეუძლებელი იყო. ცხოველთა გაჩენის შესახებ გაბატონებული იყო მოსეს მოძღვრება, რომელიც ამტკიცებს: ყველა ცხოველები თვით ღმერთმა გააჩინაო. მეცხრამეტე საუკუნემდე მეცნიერები დარწმუნებული იყვნენ, რომ დასაბამიდან ქვეყნისა უცვლელათ არსებობდნენ ის ცხოველები, რომლებიც დღესაც არსებობენ. მეცხრამეტე საუკუნის დასაწყისში მეცნიერმა კიუვიემ დაამტკიცა, რომ სხვა-და-სხვა დროს დედამიწაზე არსებობდნენ იმგვარი ცხოველები, რომლებიც შემდეგ მოის-

⁷⁾ აქ ანი ერსა და გვარტომობას შუა თანასწორობის ხაზსა სვამს, თუმცა ერის აუცილებელ თვისებათ თვითონვე ასახელებს, ენას, ზნე-ჩვეულებას, კულტურას და სხვა. რასაც გვარტომობა სრულიად არ იბულისხმებს აუცილებლათ.

ონ.

ვენ; სამაგიეროთ მათი აღაგი დაიკავეს იმგვარა ცხოველებმა, რომლებიც წინათ არ არსებობდნენ. რითი ხსნიდა თავის აღმოჩენას კიუვიე? ამ მეცნიერის აზრით დელამიწამ რამდენჯერმე გამოსცადა ძლიერი შერყევა ანუ კატასტროფა, რომლის დროსაც ცხოველთა დიდი ნაწილი იხოცებოდა. ახალი ცხოველები საიდანა ჩნდებოდნენ? ახალ ცხოველებს ხელახლა აჩენდა ღმერთი ყოველი კატასტროფის შემდეგ, დასძინა კიუვიემ. ამგვარათ მოსე წინასწარმეტყველი ამტკიცებდა: ღმერთმა ერთხელ გააჩინა ცხოველებიო; კიუვიემ კი მოსეს მოძღვრება შესწორა ახალი აღმოჩენების თანახმად: ღმერთმა ერთხელ კი არა, რამოდენჯერმე გააჩინა ცხოველებიო. კიუვიეს მოძღვრება გამეფებული იყო მეცნიერებაში 1859 წლამდე, როდესაც გამოვიდა დარვინის შესანიშნავი წიგნი ცხოველთა წარმოშობის შესახებ. კიუვიეს წინააღმდეგ პირველათ ამხედრდა ლამარკი. ლამარკი ამტკიცებდა: ყველა ცხოველები დროთა განმავლობაში ნელა-ნელა იცვლებიან, სხვანაირდებიან და თავის წინაპრებს თანდათან შორდებიან; ყველა ცხოველები თავდაპირველათ ბუნებრივად, თავის-თავად გაჩნდნენ დედა მიწის ზურგზე და მას აქედ გაჩეხე პირობებთან შეგუება იწვევდა და იწვევს ცხოველებში შეუჩერებელ ცვალებადობასო. ადამიანის წარმოშობის შესახებაც ამგვარისავე აზრის იყო ლამარკი; მისი შეხედულებით ადამიანი თანდათან განვითარდა მაიმუნებისაგან. ამ განვითარებას ლამარკი სასწაულოთ კი არა ხსნის, არამედ ბუნებრივის კანონებით. შეუჩერებელი განვითარება ანუ ევოლიუცია—აი რამ წარმოშობა ცხოველები ლამარკის შეხედულებით.

სარწმუნოებრივი ცრუმორწმუნეობა იმდენათა ჰქონდა გამჯდარი მეცნიერებს, რომ ლამარკის მოძღვრებას არავინ არ მიაქცია ჯეროვანი ყურადღება. რადგანაც ლამარკი ყოველგვარ კავშირს სწყვეტდა სარწმუნოებრივ ცრუმორწმუნეობასთან, კიუვიე კი თავის მოძღვრებას ამ ცრუმორწმუნეობაზე ამყარებდა, გამარჯვებული კიუვიე გამოვიდა. გაიარა ოცმა წელიწადმა. მეცნიერმა სენტ-ილერმა, ლამარკის მიმდევარმა, დიდი იერიში მიიტანა კიუვიეზე, მაგრამ სწორი შეხედულება აქაც დამარცხდა და კიუვიემ ისევ გაიმარჯვა. ამის მიზეზი ერთი მხრით ის იყო, რომ ცხოველების თანდათან განვითარების დასამტკიცებლათ საკმაო ფაქტები არ არსებობდნენ, მეორეს მხრით, რომ საზოგადოებას და მეცნიერებას ბრმათ სწამდათ სარწმუნოებრივი მოძღვრების ყოველი სიტყვა და სასტიკათ ეწინააღმდეგებოდნენ ყოველ იმგვარ მოძღვრებას, რომელიც სარწმუნოებას არ ეთანხმებოდა. გაიარა დრო; მეცნიერულმა კვლევა-ძიებამ, გადაშენებული ცხოველების ძვლების შესწავლამ აღმოაჩინა ურიცხვი ფაქტები ლამარკის აზრის დასამტკიცებლათ; ყოველივე ამით ისარგებლა დარვინმა და კიუვიე საშუალოთ დაამარცხა.

რას წარმოადგენს დარვინის თეორია ანუ დარვინიზმი?

ყოველ ცხოველს გარეშე ბუნებაში წინ ხედება ხსენდება დაბრკოლება; ცხოველი ებრძვის ყველა ამ

დაბრკოლებას, რომ სიცოცხლე შეინარჩუნოს, თვისი არსებობა დაიცვას; ერთი სიტყვით ყოველი ცხოველი მთელი თავისი სიცოცხლის განმავლობაში იბრძვის არსებობისათვის. ამ ბრძოლაში ზოგი მარცხდება, იღუპება და ისპობა, სხვები კი იმარჯვებენ და ცხოვრებას განაგრძობენ, მრავლდებიან. მარცხდება ის, ვინც გარეშე პირობებს ვერ შეეგუება; იმარჯვებს ის, ვინც გარეშე პირობებს შეეგუება, აიტანს. ამგვარათ ბუნებაში სწარმოებს ერთგვარი არჩევა, რომელსაც დარვინი უწოდებს ბუნებრივ არჩევას: უვარგისნი იხოცებიან და ისპობიან, ვარგისნი სძლებენ და შენდებიან. რადგანაც გარეშე პირობები ნელ-ნელა და შეუჩერებლათ იცვლებიან, ბუნებრივი არჩევაც აკსებობისათვის ბრძოლაში იწვევს ცხოველთა ცვლილებას და დროთა განმავლობაში ნაშეიკნი თანდათან შორდებიან თავის უძველეს წინაპრებს. მაგალითად ადამიანმა უძველეს დროს მოაშინაურა მგელი. მოშინაურებული მგელი თანდათან დაშორდა თავის გარეულ წინაპარს და ბოლოს გადაიქცა ძაღლად.

დარვინის თეორიით ცხოველები ერთხელ და სამუდამოთ კი არ გაუჩენია ღმერთს, არამედ ისინი ბუნებრივად განვითარდნენ.

ადამიანის განვითარებაც ამ ბუნებრივი არჩევის კანონს ექვემდებარება. ჯერ ლამარკმა გამოსთქვა შემდეგი აზრი: ადამიანი მაიმუნებისაგან უნდა განვითარებულიყო. დარვინი თავის წიგნში ადამიანის წარმოშობის შესახებ ამტკიცებს: ადამიანი და მაიმუნები ერთი და იმავე წინაპრებიდან განვითარდნენ. დღეს მეცნიერებას უკვე აქვს ჩონჩხი იმ ცხოველისა, რომელიც მაიმუნსაცა ჰგავს და ადამიანსაც, — ის არც მთლათ მაიმუნია, არც მთლათ ადამიანი. დღეს უკვე მეცნიერულათ არის დამტკიცებული, რომ ადამიანი თანდათან განვითარდა მაიმუნის მზგავს ცხოველისაგან. უძველეს დროს ძუძუმწოვარ ცხოველთა სამეფო გაცილებით უფრო ჰატარა იყო, ვიდრე დღეს არის, და მეცნიერული კვლევა აშკარათ გვეუბნება, რომ ყველა ძუძუმწოვარი ცხოველები და მათთან ერთად ადამიანი ერთი და იმავე წინაპრის ნაშეიკნი არიან, ე. ი. რამდენიმე მილიონი წლის წინეთ დღევანდელი ხერხემლიანი ცხოველები და ადამიანი არ არსებობდნენ, — ყველა ამათ ნაცვლათ იყო ერთგვარი ძუძუმწოვარი ცხოველები, რომლებისაგანაც განვითარდნენ მილიონი წლების განმავლობაში ყველა დღევანდელი ძუძუმწოვარი და ადამიანიც. თუ ესენი ამდენათ დაშორდნენ ერთმანეთს თავისი გარეგნობით, ეს გამოიწვია ბუნებრივმა არჩევამ, რომელიც შეუჩერებლათ მოქმედებდა რამოდენიმე მილიონი წლების განმავლობაში. მიუხედავად დიდი განსხვავებისა დიდი მზგავსებადარჩა დღემდე. ყველა ხერხემლიანი ცხოველები რომ შეადაროთ ერთმანეთს, მათს აგებულებაში ძალიან დიდ მსგავსებას ჰპოებთ. ბაყაყის ჩონჩხი რომ ადამიანის ჩონჩხს შეადაროთ, გასაოცარ მსგავსებას ჰპოებთ. დღეს უკვე დამტკიცებულია, რომ ფრინველის ფრთა და ადამიანის

ხელი ერთი და იმავე ასოსაგან განვითარდენ, მაგრამ გარეე ცხოვრების სხვა და სხვა პირობებმა ესენი ერთი მეორეს დაშორა მილიონი წლების განმავლობაში.

გავრცელებულია შემდეგი აზრი: ადამიანს ორი ხელი აქვს და ორი ფეხი, პირუტყვებს კი ოთხი ფეხი. გამოკვლევამ დაამტკიცა, რომ პირუტყვების წინა ფეხები თავისი აგებულებით უკანა ფეხებს კი არა ჰგავს, არამედ ადამიანის ხელებს. ამგვარმა შესწავლამ დაამტკიცა, რომ ცხენის, ხარის, ძაღლის და სხვა წინა ფეხი უფრო ადამიანის ხელსა ჰგავს, ვიდრე ამავე პირუტყვების უკანა ფეხებს, რასაკვირველია, გარეგნობით კი არა, არამედ ძვლებით. გარეგნობით ადამიანის ხელებსა და თევზის წინა ფრთებს შორის არავითარი მსგავსება არ არის; ნამდვილათ კი თევზის წინა ფრთებში იგივე ძვლებია, რაც ადამიანის ხელებში, ხოლო ძალიან შეცვლილი და სხვა რიგზე დალაგებული. აიღეთ შინაური პირუტყვები და ადამიანი. ადამიანი ისახება იმგვარათ, როგორც პირუტყვები, ვითარდება დედის საშოში ისე, როგორც პირუტყვები. საშოში როგორც ადამიანის ჩანასახი, ისე პირუტყვებისაც მოთავსებულია ერთგვარ ბუდეში ანუ მომყოლში. დაბადებისთანავე ადამიანი საზრდოობს რძით, როგორც სხვა პირუტყვები. მზგავსება უფრო დიდია, როცა ადამიანებსა და მაიმუნებს შეადარებთ. მაიმუნებში ადამიანს განსაკუთრებით ჰგავს ორანგი და ჰიბონი, რომლებიც აზიაში სცხოვრობენ, და ჰორილა და შიმპანზე, რომლებიც აფრიკაში არიან. ამიტომ ამ მაიმუნებს უწოდებენ მეცნიერები იდამიანის მზგავს მაიმუნებს. ამ მაიმუნების აგებულების შესწავლამ გამოარკვია, რომ იმათ ჩონჩხს შეადგენს ორასი პატარა და დიდი ძვალი. ადამიანსაც სწორეთ ამდენივე ძვალი აქვს ჩონჩხში. ყველა ეს ძვლები მაიმუნების ჩონჩხში იმ რიგზე არიან მოთავსებული, როგორც ადამიანის ჩონჩხში და ადამიანისა და ამ მაიმუნების ჩონჩხი ერთი-მეორეს ძალიან ჰგვანან. ამ მაიმუნებსა აქვს სხვადასხვა სიდიდის სამაისი კუნთი. ამდენივე და ამგვარი კუნთები აქვს ადამიანსაც. ტვინის აგებულება და გარეგანი მოყვანილობაც ამ მაიმუნებს იმისთანა აქვს, როგორც ადამიანს. ადამიანისა და ამ მაიმუნების გულს ერთმანერთში ვერ გააჩევეთ. ამ მაიმუნებს კბილები აქვთ ოცდა-თორმეტი. ამდენივე კბილი აქვს ადამიანსაც. ამგვარივე მსგავსებაა ადამიანისა და მაიმუნების ქაჭებში, კუჭ-ღვიძლში, ნაწლევებში, ფილტვებში, სქესობრივ ასოებში და სხვ. ამგვარათ ადამიანსა და ამ მაიმუნებს შორის საერთო გაცილებით მეტია, ვიდრე ამ მაიმუნებსა და დანარჩენ ცხოველებს შორის, — ეს მაიმუნები უფრო ადამიანთა მოდგმას ეკუთვნიან, ვიდრე ცხოველებისას. თუ მხედველობაში მივიღებთ ბუნებრივ არჩევას, რომელიც დროთა განმავლობაში დიდ ცვლილებას იწვევს ცხოველთა და მცენარეთა სამეფოში, მაშინ ადვილი გასაგები იქნება ისიც, რომ იყო ისეთი დრო, როცა დედა-მიწის ზურგზე არც ადამიანი არსებობდა, არც მაიმუნები. ამათ ნაცვლათ სცხოვრობდნენ მაიმუნის მზგავსი ცხოველები, რომლებიდანაც

დროთა განმავლობაში განვითარდნენ მაიმუნები და ადამიანი. როდესაც თქვენ წარმოიდგენთ დღევანდელ განვითარებულ ევროპიელს, შეუძლებლათ მიგაჩნიათ, რომ მისი წინაპარი მაიმუნის მზგავსი ცხოველი ჰყოფილიყოს, მაგრამ დედა-მიწის ზურგზე დღესაც ბევრია სხვა და სხვა ალიგას ისეთი ველურები, რომლებსაც არაფერი არა აქვთ საერთო სულიერის მხრით დღევანდელ განვითარებულ ევროპიელთან. აი ამ ველურ ადამიანებს თუ შეადარებთ მაიმუნებს, მაშინ არც ისე გეუცხოებათ მეცნიერების აზრი: ადამიანის წინაპარი მაიმუნის მზგავსი ცხოველი იყო.

(შემდეგი იქნება).

ივ. გომართელი.

სხვა-და-სხვა ამბები ჩვენში.

კავკასიის ნამესტნიკმა თავის უქვეშევრდომილეს ცნობაზე ექსარხოსის ნიკონის მოკვლის შესახებ მიიღო ხელმოწიფისაგან 2 ივნისს შემდეგი პასუხი: „ღრმად ამოღევა საქართველოს ექსარხოსის ნიკონის საზიზღარმა მკვლელობამ. დარწმუნებული ვარ, რომ კავკასიის ყველა კეთილ-გონიერი მცხოვრებნი ამ ბოროტ-მოქმედებით ისე არიან შეწუხებულნი, როგორც მე. ვმადლობ იმათ, ვინც თქვენ გამოგიცხადათ თავისი აღშფოთება და მწუხარება.“ „ნიკოლოზ.“

2 ივნისს, მცირე პანაშვიდის გადახდის შემდეგ, დილის რვა საათზე, საქართველოს ექსარხოსის გვამი სამღვდლოებამ გამოასვენა ჯვარის ეკლესიიდან და გაემართენ სიონის კათედრალურ ტაძარისკენ. სინოდალურ კანტორის შესავალთან, სადაც მოკლულ იქნა ექსარხოსი, გადინადეს მცირე პანაშვიდი. სობოროში მწირველი იყო სტავროპოლის ეპისკოპოზი აგაფოდორი, აგრეთვე მონაწილეობას იღებდნენ გურია სამეგრელოს ეპისკოპოზი ლეონიდი, ბაქოსი-გრიგორი, იმერეთისა-გიორგი, სუხუმისა-დიმიტრი, გორისა-პეტრე და ალავერდისა-დავითი.

წირვაზე დაესწრენ გრაფ ვორონცოვ და შკოვის მეუღლე, ნამესტნიკის თანამემწენი, გენერალ-გუბერნატორი, თბ. გუბერნატორი, საგუბერნიო და სამახრო თავად-აზნაურობის წინამძღოლნი, ქალაქის თავი და ხმონები, სხვა და სხვა ქალაქების წამომადგენელნი და სხვა.

წარმოსთქვეს რამდენიმე სიტყვა. წირვის გათავების შემდეგ სამღვდლოებამ გამოიტანა კუბო და დაასვენა კატაფალკაზე. სამღვდლოვარო პროცესია დაიძრა 12¹/₂ საათზე. ქუჩაში გამწკრივებული იყო ჯარი. ერევნის მოედნიდან, სადაც გადახდილ იქნა პანაშვიდი, გამწკრივებული იყო ყველა სასწავლებლის მოსწავლე ქალი და ვაჟები თავიანთი მასწავლებლებით. იყვნენ აგრეთვე სომხის, მაჰმადიანის, ქართველ-კათოლიკეთა და სხვა სამღვდლოების წარმომადგენელნი. რამდენსამე ადგილის გადახდილ იქნა მცირე პანაშვიდი. საღვურზე მივიდა პროცესია 3¹/₂ საათზე. სამღვდლოებამ კუბო შეიტანა

„სამეფო საფანე“ში, სადაც აგრეთვე გადიხადეს პანაშ-ვიდი. ვაგზალში ელოდებოდა სამგლოვიაო მატარებელი, რომელიც განგებ იყო მომზადებული ექსარხოსის ნაშთების გადასატანათ; ამ მატარებელს თან გაჰყვა 5 კაცი საგან შემდგარი დეპუტაცია. კუბოს ამკობდა რამდენიმე გვირგვინი, ოცამდის ხატი, ვაზის ჯვარი და სხვა.

„პეტერბ. ლისტოკ“ში დაბეჭდილია: „29 მაისს სინოდმა კავკასია და თბილისიდან მიიღო კერძო ცნობები, რომ პოლიციამ მიაგნო საქართველოს ექსარხოსის ნიკონის მკვლელების კვალსაო. ამბობენ, რომ ეს მკვლელობა საქმეა მთელის ბრბოსი, რომელმაც ვერ მოახერხა მკვლელობის კვალის დამალვაო.“

ბაქოს გზაზე დაუქერიათ ერთი დამოყენის კასაზე თავ-დამცემთაგანი, რომელსაც აღმოჩენია მაუზერის რევოლვერი და 13,800 მან. დაქერილი თბილისისკენ გამოამგზავრეს.

თბილისის გენ.-გუბ. განკარგულებით მეხუთე საპოლიცია უბანში სამხედრო წესების მოხსნამდე დაიკეტა ყველა საჩაიე, რესტორანები, ღვინის სარდაფები და სხვა ადგილები, სადაც ვაჭრობენ მაგარი სასმელებით. ვაჭრებმა შუამდგომლობა სთხოვეს ქალაქის თავს გენ.-გუბ. წინაშე, რომ მათ ნება მისცეს მან განაახლონ ვაჭრობა.

3 ივნისს კავკასიის სამხედრო-საოლქო სასამართლომ ჩამოაჩნობა გადაუწყვიტა გორის მაზრის მცხოვრებ ალექსანდრე ბერეჯანოვს, რომელსაც ბრალათ ედებოდა საგუბერნიო ციხის ტუსადის მოკვლა.

ქალაქში სხვა და სხვა უბნებში გახშირებულია ჩხრეკა-დაპატიმრება.

კვირას, 1 ივნისს, პოლიციამ მთელს ქალაქში აღკრძალა გაყიდვა პატრიოტების გაზეთის „გოლოს კავკასი“სი; ვისაც კი ჰქონდა ეს გაზეთი, ჩამოართვა და წაიღო. 4 ივნისს გაზეთი ისევ გამოვიდა. ეტყობა, გავრცელებული ხმები გაზეთის გამოცემის აღკრძალვაზე, უსაფუძვლოა.

დამოყენის კასის გაცარცვის დროს მოჰკლეს ერთი თავ-დამსხმელთაგანი. როგორც „თბ. ლის“. შეუტყვია, მოკლული აღმოჩნდა თბ. მცხოვრები თურქიანცი. თურქიანცი წინათ ყუმბარების შენახვისათვისა ყოფილა დაპატიმრებული, მაგრამ ამას წინათ სხვებთან ერთად გაპარულა.

დღეს, 8 მაისს, პეტერბურგის უნივერსიტეტის პრივატ-დოცენტი ივ. ა. ჯავახიშვილი თბილისის საკრებულოს დარბაზში წაიკითხავს ლექციას ქართულ ენაზე „ეკონომიური მდგომარეობა აღმოსავლეთ საქართველოსი მეთვრამეტე საუკუნეში“.

დღეს უნდა მოხდეს არჩევნები სახალხო უნივერსიტეტის გამგეობის წევრებისა. როგორც ვიცით, არჩევნები უნდა მომხდარიყო წარსულ კვირას, მაგრამ ექსარხოსის მოკვლის გამო გადაიდო დღეისთვის.

ამ დღეებში გათავდა „სოქის რესპუბლიკის“ საქმის გარჩევა. პასუხის გებაში მიცემულიყო 109 კაცი. სასამართლომ 40 გაამართლა, ერთს გადაუწყვიტა 15 წლის კატორღა, ორს—ათი წლის. დანარჩენებს მისაჯათ ორთვიდან სამ წლამდე გამასწორებელ რაზმში გაგზავნა.

გამოვიდა ცალკე წიგნათ ხუთმოქმედებიანი დრამა „დამარცხებული“, პ. ირეთელისა. ფასი 30 კ.

რ უ ს ე თ ი .

სიკვდილით დასჯა გადაუწყვიტეს: ლოდში—სამს, სევასტოპოლში—ერთს.

სიკვდილით დასაჯეს: უფაში—ხუთი, სევასტოპოლში—ერთი.

სიკვდილით დასჯა გადაუწყვიტეს: უფაში—ორს, კიევი—ერთს, პოლტავაში—სამს, ეკატერინოსლავში—ორს, რიგაში—ერთს. სიკვდილით დასაჯეს რეველში ლეხმუსი.

პეტერბურგში ნევის პროსპექტზე 24 მაისს გენერალმა ვ. გურკომ სცემა უბნის ზედამხედველს, (ოკოლოდოჩნიკს) რომელმაც შეაჩერა გურკოს ეტლი ნაბერენი ქუჩაზე და კუჩერს უბრძანა სხვა გზით წასულიყო. გენერალი გაჯავრდა, ჩამოვიდა ძირს, ხელი ჰკრა პოლიციელს, შეხტა თვითონ კოზლაზე, უბნის ზედამხედველს „კნუტი“ უჭირა და გაუდგა გზას. პოლიციამ ამ საქმეზე ოქმი შეადგინა და სასამართლოს გადასცა.

გაზ. „რუსი“ დააჯარიმეს 1,000 მანეთით.

ის აფერისტი, რომელმაც ამას წინათ ქ. ოდესაში ცნობილ ბოქაულს, მიქიაშვილს გარადავოები მოსთხოვა, ვითომ ერთი საექვო ბინის გასაჩხრეკათ და მართლაც გაჩხრიკა როტქისტრის სახელით ვილაც მდიდარი ქალის ბინა, საიდანაც მან 400 მანეთი წაიღო, აღმოჩნდა ოდესის საიდუმლო პოლიციის ყოფილი აგენტი. („რეჩ“).

სიკვდილით დასჯა გადაუწყვიტეს: ვარშავაში—ხუთს, ლოდში—რეას, ოდესაში—ერთს, პენზაში—ორს.

სიკვდილით დასაჯეს: ლოდში—ოთხი, ოდესაში—ერთი, უფაში—ხუთი.

ქ. მინსკში შეაჩერეს გაზ. „ოკრაინა“; მოსკოვში დააჯარიმეს გაზ. „რული“ 500 მან.

სიკვდილით დასჯა გადაუწყვიტეს: ვარშავაში—ორს, ლოდში—სამს, ოდესაში—ერთს, ვილნოში—ერთს, უფაში—ერთს, ეკატერინოსლავში—ერთს.

სიკვდილით დასაჯეს: ლოდში—სამი, ეკატერინოსლავში—ერთი.

ლომის გენერალ-გუბერნატორმა დადგინა განაჩენი... დაისაჯოს 16 წლის ყმაწვილი „როზგით“.

კანეცკის მაზრის სოფ. მედვინიდან გადასახლეს 116 გლეხი ოლონეცკის გუბერნიაში.

სიკვდილით დასჯა გადაუწყვეტეს: უფაში—ერთს, ოლესაში—ერთს, ვარშავაში—ექვსს, ლოდში—ერთს, ხარკოვში—ორს.

სიკვდილით დასაჯეს: ვარშავაში—ერთი, ლოდში—ოთხი.

პეტერბურგში შეაჩერეს გაზ. „სვაბოდნია მისლი“; ვარშავაში დააჯარიმეს 200 მან. გაზ. „გოლოს ნაროდა“, სარატოვში—300 მან. გაზეთი „სარატოვსკი ვესტნიკი“.

სიკვდილი მიუსაჯეს: სამარაში—ოთხს, ვარშავაში—შვიდს, პოლტავაში ერთს.

სიკვდილით დასაჯეს: ეკატერინოსლავში—ოთხი, ლოდში—ოთხი.

სარატოვისა გაზ. „იუჟნი ტელეგრაფი“ დააჯარიმეს 200 მანეთით.

უცხოეთში.

სპარსეთის მთავრობამ თბილისში გამოუგზავნა რუსეთის მთავრობას 50,000 მან., როგორც წარდგენილი მოთხოვნის დაკმაყოფილება.

ბერლინიდან მოსულ ცნობებით თეირანში მდგომარეობა სერიოზულია; რუსეთის ჯარი საზღვარზე დგას და მზათ არის სპარსეთის ტერიტორიაზე გადავიდეს.

თეირანი ეხლა ტელეგრაფით მხოლოდ ასხაბადთანაა დაკავშირებული, სხვა გზით ის მოწყვეტილია დანარჩენ პუნქტებს; შაჰის წინააღმდეგ გამართულ აგიტაციაში უმთავრესი მონაწილეობა მიუღიათ რამდენიმე წარჩინებულ და გამოჩენილ პირს, რომლებიც შაჰის ბრძანებით დაატუსაღეს. შაჰმა გამოსცა „დასხათი“ (რწმუნება), რომლითაც ის ცდილობს დააჯეროს ხალხი, ვითომ ის ერთგულია იმ კონსტიტუციის, რომელზედაც მან ფიცი დასდო. ამ რწმუნებამ ხალხში შაჰისადმი დიდი თანაგრძნობა გამოიწვია.

სპარსეთი. რუსეთის მისიამ თავის მფარველობის ქვეშ მიიღო უკიდურესი რეაქციონერი, რომელსაც ხალხი სდევნიდა. ამ გარემოებამ გამოიწვია თეირანში ძლიერი მოძრაობა რუსეთის წინააღმდეგ. შახი მთელი თავის ერთგული ჯარით გავიდა ქალაქიდან. ენჯუმენის კრებამ მთელ ღამეს გასტანა თავრიზში. შედგა ძლიერი პარტია, რომელიც თხოულობს ადერბეიჯანის გამოყოფას და მის სრულ პოლიტიკურ თავისუფლებას. ადერ-

ბეიჯანი ჩამოშორდა სპარსეთს და აირჩია დროებითი მთავრობა. ქალაქი სავსეა პროკლამაციებით. ზოგი ფურცლები მიმართულია რუსეთის წინააღმდეგ; ზოგი მოუწოდებს ხალხს სახალხო მილიციის შესადგენათ. იხურება ღუბნები. ქალაქში აღელვებაა. მდგომარეობა ამ წამს ძალიან საფიქრებელია. რუსეთის გავლენის სრული დამარცხებაა. უბრუნდებით გრიბოედვის დროს. რუსეთის მისიამ თეირანში თავის ორქოფი პოლიტიკით ძალიან დასცა რუსეთის პრესტიჟი. მან ხალხი მეტათ გააბრაშა და ააღელვა. ხალხი შეიარაღებულია მაუზერებითა და მონლიხერებით. რუსეთის კალონია ძლიერ დაფიქრებულია. შეწყდა მოძრაობა თეირანისა და ორივე ინდო-ევროპის ტელეგრაფებს შორის. ვაჭრებში გავრცელებულია ხმა, რომ თეირანში დიდი არეულობა უნდა იყოს. „Нов. Время.“



მშვიდობით!

მთვარევე, წამიყვამ!

მთვარევე, წამიყვამ,—გარდამაცილე ბელუკულმართსა სამშობლო მხარეს, გარდამაცილე და ამაცილე ტანჯულთა კენესას და სიმწუხარეს.

ქარო, დაჰქოლოვ,—ღრუბელთ სრიალით გადმასერინე უცხოთ სამყარო, ეგებ იქ მაინც გულის სიამით სათუთსა რწმენას კვლავ დავემყარო.

გაშალე აფრა, ოჰ, განმაშორე
დანგრეულ ქვეყნის ჩაფერფლილ კერას.
მწარ-მოგონებაც ჩამოაშორე
სამსალა-ნარევე შავ ბედისწერას.

იქ შხამ-ნალევლად ჩანთხეულია
გაშმაგებულთა სისხლი და ცრემლი,
და იმ ნალევლში ჩანაცრულია
ერის გულისთქმა, მარად საცრემლი.
ვერა, ვერ ვუძლებ ყუჩათ მის ცქერას,
ბოლმა და გესლი გულში გუზდება:
ეჰ, რაღა ჩაჰკლავს მწარ გულის-ძგერას,
როს ტურფა მდებოა არ ბიბინდება!

ცხოვრების ბაღმა დაიყვავილა,
ადრე ჩამოსტკნა ქორთა კოკრები,
მებრძოლთა რაზმმაც ვერ იყვავილა,
ულროთ გასცივდა მწვანე ფოთლები.

მოდუნდა მაჯა ჩანავლდა ბრაზი,
რისხვა ჩამქრალა ერის კერაზე,
შეირყა რწმენა, სათუთი, ნაზი,
ქირხლს დაუთრთვილავს აღმაფრენაზე.

მთვარევე, ხომ ხედავ, არსად არ მოსჩანს
განგმირულთ ძეგლი, წმინდა სამარე,
მსხვერპლი მსხვერპლს მისდევს, ბოლო არ
უჩანს...

წამიყვა, მთვარევე, დამასამარე!

პარიზი.

ნარ-კანი.



პატარა ტაღლები დიდ ზვირთებში.

ზღვა ღელავს, ტალღა ტალღას ეკეცვის,
ეროი მეორეს გულს ჩაჰხვევია,
ზვირთი ზვირთს მისდევს, ზვირთი ზვირთს ებრძვის,
გემს მოდუნებულს გზა არეცია!
ეხვევა ანძა, დაჰკარგა ღუზა,
ამაოთ ეძებს ის ნავთ-საყუდელს,
ამაოთ ებრძვის ძრიელ გრიგალსა,
ზვირთი მი.ნგრევს მის ბებერ კედლებს.
ღიახ, ასეა, ზვირთი თავისას გაიტანს, ის ქარს
გაატანს მოძველებულ გემის ნაფოტებს, მაგრამ ამ გო-
ლიათ ზვირთთა ბორგვაში ჩვენს ყურს ხშირათა სწვდება
ხოლმე საშინელი ამონაკენისი პატარა ტაღლებისა. ვინ
ამბობს იმას, რომ ჩვენ უპირველესათ არ გვანტერესებ-
დეს უფრო მქუხარე ხმა ზვირთებისა მობერებულ გემის
კედლებზე, მაგრამ ნურც ის დაგვაფიწყდება, რომ დიდი
ამონაკენისი პაწია ცრემლის შედეგია, რომ გოლიათი
ზვირთი პატარა ტაღლების შენაერთია. და აი მეც მკით-
ხველის ყურადღება ცხოვრების ამ პაწია ტაღლებს მიწა
მივაქცია.

* *

მაშ დავიწყეთ დიდი ქურუმებიდან, რომელთაც ხელ-
ში უკავიათ თბილისის ხორცი და სული, და პაწია ადამია-

ნებიდან, რომელნიც მათ თვისი გულკეთილობით უშვილ-
ნიათ. პირველთა სიგმირის აღსანიშნავთ გაეცხენათ
აგრეთვე სოლოლაკის მთაც, რომელსაც ესენი დაეტა-
ნენ, რათა განსქვრიტონ იგი და სოლოლაკის მდიდარს
დარბაზებს დაუახლოვონ უტურფესი ბაღი; რასაკვირვე-
ლია, ამოტელა მთის შეტოკება ისე არ მოხდება, რომ არ
შეინძრეს ქალაქის კასა და მასთან ერთად მოქალაქეთა
ჯიბეც, მაგრამ სამაგიეროთ ბოტანიკური ბაღის სურნე-
ლება დაატკბოს სოლოლაკის ფუფუნების შვილთ. ტა-
ში და ვაშა მათს განმსქვრეტელობას! ვისგანაც ჯერ არ
მიიღებენ კიდევ ამას, მაგრამ მოვისმინოთ დიდი გვაგე-
ბის კი არა, არამედ პაწია ადამიანების მათდამი მიმარ-
თული ტაში და ვაშაც: ამ სოლოლაკის მთის იქიდან,
რომელსაც დასტაკებთან ქალაქის მამები, იქ სადაც ამ
ორმოცი წლის წინეთ გაისმოდა გრ. ორბელიანის ჩანგი:
„თვალს ავახელ, ზედ წამწამზე მიზიხარო“ დღეს ქარხნების
საყვირნი გვახმაურებენ, ქშინავენ მანქანები და მათს
ხმაში ვიღაც ეშმაკურათ ლილინებს: „მე ვქეიფობ, შენ
ფეხებზე მკიდიხარო“. აი რასა სწერენ ეს ქარხნის ორ-
თქლში გამოხარშულნი, და მოდილინე და მაც აბუჩათ
აგდებულნი პაწია შვილები თვის მამებს: „დარწმუნებით
შეგვიძლიან ესთქვათ, რომ ქალაქის გამგეობა ზოგისთვის
დებდა, ზოგისთვის დედის ნაცვალი. ყველაფერი, რაც
მის მიერ კეთდება, კეთდება იმ ანგარიშით, რომ სასარ-
გებლო იყოს სოლოლაკისთვის და ვერისათვის... ჩვენ
ვართ ყურმოჭრილი მოხარკენი ქალაქის აგენტებისა,
ვინაიდან ორჯელ მეტს გვახდევინებენ, ვიდრე ეკუთვ-
ნის ჩვენს ავლა-დიდებას და ამავე დროს ორთაქალის
ქარხნის რაიონის მცხოვრებთ არა გვაქს არც წყლის მი-
ლი, არც მოკირწყლული ქუჩა, არც ქანქანა სიბინძურის
ჩასაშვებათ, არც განათება“.

ღიახ, ამნაირი განცხადება წარუდგინეს თბ. გამგე-
ობას ორთაქალელებმა, მაგრამ ამაოთ. ისინი უფრო
მალე დაეტაკებთან იალბუზს, ვიდრე მათ თხოვნას შეა-
სრულებდნ.

სოლოლაკო ზედ წამწამზე მიზიხარ,

ორთაქალავ, შენ ფეხებზე მკიდიხარ!

აი მათი პასუხი და ესაა მათგან მოსალოდნელი. ასეც
იქნება, ვიდრე გერი არ გაიზრდება და დედინაცვალს
თვალში ნაცარს არ შეაყრის.

* *

სწორე მოგახსენოთ ეს ვერაფერი ნუგეზია ორთა-
ქალელებისთვის, მაგრამ რას იზამ. ტყუილ იმედს მწარე
სინამდვილე სჯობია. იანვრის სიცხეში რომ თვალეები
დახუჭო და გაზაფხული მოიგონო, ამით მაინც ვერ გათ-
ბები. ან რისთვის უნდა გავიკვირდეს დედინაცვლები-
საგან თავში ცემა, როდესაც თვით ჩვენ ვუბარე ყუნებთ
ერთმანერთს, როდესაც თვით ჩვენ ვწიხლავთ თვით ჩვენს
საქმეს. „სადგ. ბალაჯარის რკინის გზის მუშებს—სწერენ
გაზ. „ნაპერწყალს“,—ჰქონდათ პროფესიონალურა კავ-
შირი. ასე თუ ისე საქმე მაინც კარგათ მიდიოდა, მარა
ცოტა ხნის შემდეგ ზოგიერთი ამხანაგების გულგრილო-

ბამ კავშირი თანდათან დაასუსტა დაბოლოს კიდევ გა-
აქროვოა. მერე რა მოჰყვა ამას? ის რაც უნდოდა კავ-
ში-ის მტერს. საუკეთესო მუშების დათხოვნა, ფასის
დაკლება, სამის ადგილზე ერთი მუშის მუშაობა, დაკა-
რგვა ყველა იმ უფლებებისა, რომელიც ქარ-ცეცხლით
მოიპოვეს. „გულგრილობამ“ დაშალა კავშირი და თვისი
თავი თვითონ დაამარცხა.

წავიკითხოთ მეორე წერილი, რომელსაც ამავე გაზ.
სწერენ რკინის გზის მთავარ სახელოსნოდან:

„ადმინისტრაციიდან თითქმის ყოველ უფლებას მოკლე-
ბულნი შევირდები „მუხრანის“ განიცილიან ამხანაგებიდანაც.
როდესაც ესა თუ ის შევირდი ათაგებს შევირდობას, მას
აძლევენ ეგრეთ წოდებულ „პრობს“; თუ ის ღირსეულათ
შეასრულა, ადმინისტრაციიდან ნება აქვთ ბოძე“ული 1 მან.
20 კ. დაუნიშნონ ამხანაგებმა (ეს უფლება ოქტომბრის შემ-
დგე აქვთ მოპოვებული მუშებს). მარა საუბედურათ ამ უფ-
ლებით ვერ სარგებლობენ. მთელ სახელოსნოში არ მომხდარა
მაგალითი, რომ ვისმესთვის 1 მ. 20 კ. დაუნიშნათ, რთ თუ
ვერავინ ვერ ბაკეთა „პრობი“ ღირსეულათ? ზოგიერთ ნა-
წილებში ერთი არა სასურველი ჩვეულებაა: მაგ. როცა შე-
ვირდი ათაგებს შევირდობას, მას ზოგიერთ ბრიგადაში მო-
მუშავე მოვალეთ რაცს, რომ ამხანაგები დაპატიჟოს და
„ნოპკა“ გამართოს, თუ სურს კარგი ჯამაგირი დაუნიშნონ,
მარა არც ამ „კნაპკით“ მოსცილდები მინახავს, რომ დიდი
ჯამაგირი დაუნიშნათ შევირდისთვის. აკორდმა ისე გაიტაცა
ჩვენი ზოგიერთი მუშები, რომ ლამის ყოველივე უფლებები
გაუშვეს ხელიდან როგორც ახლათ გათავისუფლ შევირდების
1 მ. 20 კ. დანიშნა და ყველაფერი დაივიწყონ.

„გარეთვე როცა უფროსი იღებს ამა თუ იმ ჩილინგარს,
მისი ჯამაგირის დანიშნა მუშების უფლებაა. ნება აქვთ
1 მ. 50 კ.-მდე დაუნიშნონ მარა არც ეს ხდება. ამას წინათ
მიღებული კაცები ჯერ ორი-სამი თვე აწვალეს, ადგილი არ
მისცეს და მერე თუმცა შეეძლოთ, მარა 1. 50 კ. არავის-
თვის არ დაუნიშნავთ. რას ნიშნავს ყველა ეს? აი სადამდი
მიგვიყვანა ჩვენ აკორდმა, როცა ჩვენ ვთვლავთ ფეხქვეშ ჩვენს
უფლებებს რაღა გასაკვირალია ამის შემდეგ ადმინისტრა-
ციამაც ზედ მეტი გვიყოს?“

მოკლეთ რომ ვსთქვათ არა ნაკლები მაინაცვალნი
ყოფილან ძველი მუშები შევირდების შესახებ და მას-
თანვე ოთოთანთ ქორებიც, რომელნიც გარეშე თვალსა
ხუჭვენ და შინაურს უნისკარტებენ.

მაგრამ არიან სხვა ჯიშის ქორებიც, რომელნიც
კარგათ არჩევენ თვისას და სხვისას, რომელნიც მსხვერპლს
თავისივე ბურტყლით უზნელევენ თვალებს. ამისთანა
ქორის კლანკებშია დღეს სხვათა შორის მთელი ქართ-
ლი. ამ ეპოქა გორის მაზრის სოფლებში 19 მამასახლისია
მთავრობიდან დაყენებული. მათ განკარგულებაშია 81
„სტრაჟნიკი“. თვის შრომისათვის ისინი იღებენ წელი-
წაღში საერთო 32,612 მანეთს. სოფლის მწერლები
9,720 მ. სოფლის გზირები 12,960 მ. სოფლის სამრ-
თველოს „სტოროვები“, შენობის გათბობა, სანთელი,
და სხვა ხარჯი 6,480 მან. სულ ერთათ ქართლს
„მშვიდობიანობის დამცველი“ უჯდება წელიწადში
61,772 მან. მჭერმეტყველება ამ ციფრებისა არა საკი-
როებს განმარტებას. ხოლო ეს ციფრი უფრო მეტს გვე-

ტყვის თუ იგი გაგანაწილეთ ქართლის დამშეულ გლეხის
ზურგზე მამასახლის-სტრაჟნიკების მათრახებით; სოფელ
გომში ადგილობრივ მომრიგებელ შუამავალთან უკრძო
მიიტანეს მამასახლისის მიერ ნაცემი გლეხი. მიზეზი ცი-
მისა ისა ყოფილა, რომ გლეხს არ მოუტომეცია მამასა-
ლის-სტრაჟნიკების ცხენებისთვის საკვები. მომრიგებელ-
შუამავალმა შეადგინა პროტოკოლი და გლეხი გაგზავნა
მაზრის უფროსთან. ადგილი გასაგებია, რა სასჯელი მო-
ილო მამასახლისმა, ვინაიდან მანვე იმავე მომრიგებელ-
შუამავალის წინ რამდენიმე დღის შემდეგ კიდევ გაამა-
თრახა რამდენიმე გლეხი. ეს შემთხვევაც ეცნობა მაზრის
უფროსს, მაგრამ რა ჯილდოზე წარადგინეს გულადი
მამასახლისის ჯერ არ იცოდა, ხოლო მისი მათრახი კი
კვლავ თავისუფლათ სეირნობს გლეხებზე. ამგვარათ 19
მამასახლისის და 81 სტრაჟნიკის მათრახი ქართლს შე-
სყიდეს მის „მშვიდობიანობის“ დასაცველათ წელიწადში
61,772 მანეთათ.

*

*

და თუმცა ასე ძვირათ უჯდება თვისი დამცველი
მას მაინც ნადირი შეჰპარვია. უკეთ რომ ვსთქვათ შე-
ვარდნია და მერე ისეთი, რომ სხვა მისნი მოძმენი
მასთან შედარებით კრავებათ გეზვენება. უტყუარ
საბუთებიდან ვიცით, რომ ამ წლის თებერვლიდან აქა-
მომდე, რაც ტყე შეიფოთლა თავად გიორგი ოთარისძე ამი-
ლახვარს დღისით-მზისით ყველას თვალწინ წარუტაცნია:

სოფ. ვაშლოვანიდან ცხვარი — — 7.

„ ლორი — — 7,

„ ფული — — 1 მ.

სოფ. გარუბანიდან: ხარი — — 2.

„ ძროხა — — 2.

„ ცხვარი — — 4.

სოფ. ბეჟანტყიდან: თხა — — 5.

„ თიკანი — — 2.

„ ცხვარი — — 14.

„ ფული — — 5 მ.

სოფ. წუბენიდან თავის მოურავ იოსებ ყანჩაველი-
სთვის მოუტაცინებია:

ძროხა — — 1.

დეკეული — — 1.

ცხვარი — — 9.

ადგილობრივ ყელი გამოუქრია 3-სთვის, ხოლო
არა სჩანს ძროხისთვის თუ ვისთვის. ფულათ წაულია
9 თუმანი.

სოფ. არმაზი დაუხარკავს კომლი 36 თუმნით.

ჯამი რომ შევაყენოთ ნადირს ქართლიდან ორი
თვის განმავლობაში წაულია 73 სული საქონელი და
161 მან. ფული. ხანში შესული გლეხები ამბობენ,
რომ ჩვენს სიცოცხლეში არ გვახსოვს, რომ ამ ნადირი
ფოცხვერი შემოსპროდეს სოფელსო. მის ამალის მიერ
გლეხების ცემა-ტყეპის, ქალების გაუპატიურებას და
სხვა ათასგვარ საზიზრობასთან შედარებით ფერი ეკარ-
გება ჩემიერ მაყვანილ დაღუპულ საქონლის რიცხვს.

ჩახმახი.

სახელმწიფო დუმა.

27 და 29 მაისის სხდომაზე დუმამ განიხილა სამხედრო სამინისტროს ხარჯთ-აღრიცხვა.

მომხსენებელმა **გუჩკოვმა** (ოქტომბრისტი) საგნის არსებითი მხარის გამოარკვევის შემდეგ მან სხვათა შორის სთქვა: „ჩვენი სამხედრო ღირებულების დაღუპვა ჯარის სრულიათა არ დაბრალდება; ამ უბედურების მიზეზი პირველათ, თვით ჩვენი ცენტრალური მთავრობაა, მეორეთ სხვა და სხვა გარემოებანი; ჩვენ ჯარს და მათ ხელმძღვანელთ ორნაირი ომი ჰქონდათ გამართული: ერთი მხრივ ისინი ებრძოდნენ იაპონელთ, მეორე მხრივ კი პეტერბურგის სამხედრო სამინისტროს კანცელარიებს. მეორე შეცდომა, ორატორის აზრით, ჩვენი ცენტრალური მთავრობისა — ეს პორტსმუტში დადებული სამშვიდობო ხელშეკრულებაა. თვით ჯარსაც დიდი ნაკლი აღმოაჩნდა: მას არ ჰყავდა გამოცდილი სარდლები და ჯარის მაღალ წრეებში გამეფებული იყო ნათლიმამობა, ძმაბიჭობა, დამქაშობა და სასახლესთან ჩურჩული, რაც ღღემდის არ შეწყვეტილა.“

რაკი სახელმწიფო წყობილება დღეს გამოიცვალა, გუჩკოვის აზრით, სიჭირბო სამხედრო უწყებაც ამის თანხმად მოეწყოს და ჯარში სამინისტრომ რეფორმა მოახდინოს (ტაშის ცემა და ვაშას ძახილი); მართალია სამინისტრო უკვე შეუდგა რეფორმას, მარა ღღემდის მას გაბედული ნაბიჯი არ გადუდგამს. ჯარს კი დღეს ბევრი რამ სჭირდება: საჭიროა აფიცრებს ჯამაგირი მოემატოს, საჭიროა ჯარის შენახვის და ხარჯების წეს-რიგი შეიცვალოს, კაზარმების ცხოვრება მოწესრიგდეს, საჭიროა მოხდეს არტილერიის რეორგანიზაცია და სხვა და სხვა ასეთები, რისთვისაც ერთდროულათ უნდა გადიდოს 2153 მილიონი მანათი და ყოველ წელს კი 150 მილ.

ასეთი რეფორმის განხორციელება კი ძალიან ძნელდება ფულის სიმცირის გარდა იმ გარემოებითაც, რომ დღეს ჯარს სათავეში უდგანან დიდი მთავრები და ისინი თავის მდგომარეობით არა პასუხის მგებელნი, აწარმოებენ მეტათ საპასუხისმგებლო საქმეებს. საჭიროა და უფლებაც გვაქვს მოვითხოვოთ ამ გარემოების თავიდან აშორება, რომ ნივთიერთადაც გაღონიერდეს სამხედრო ბიუჯეტი და ჯარშიაც ბოლო მოეღოს იმ დემორალიზაციას, რასაც ღღემდი ადგილი ჰქონდა ჩვენს სახელმწიფოში. (ყველა სკამებზე, გარდა უკიდ. მემარჯვენ, ტაშის ცემა).

გუჩკოვს **უპასუხა სამხედრო მინისტრმა**, რომელმაც აღიარა, რომ მომხსენებლის კრიტიკა, სამწუხაროთ, მართლაც სამართლიანიაო. რაც ჯარს დღეს სჭირდება ეს სამინისტრომ ძალიან კარგათ უწყის, მარა ის საშუალებას მოკლებულია; მომეცით საკმაო ფული და სიამოვნებით შევსრულებ ჯარს ყოველივე დანაკლისს, განაცხადა მინისტრმა. ჯარის ყოველ გვარ საჭიროებისათვის დღეს მინისტრის აზრითაც 2 მილიარდია სჭირბო, მარა რადგან რუსეთს ამდენი ფული არ მოეპოვება,

ამიტომ ეხლა დაკმაყოფილებულ უნდა იქნას ჯარის მხოლოდ აუცილებელი და მწვავე მოთხოვნებიანი, რისთვისაც საჭირო იქნება 300 მილიონი მანეთის გადადება მაინც. ჯერ დავაკმაყოფილებთ ამ მოთხოვნებს და მერე შეუდგებით ჯარის რეორგანიზაციას, რაც მართალია აუცილებელ საჭიროებას წარმოადგენს, მარა უნდა აღვიაროთ, რომ დღეს შეცვლა ყოველივე იმისი, რაც არსებობს ძალიან სახიფათოა. **მხოლოდ მტკიცე თანდათან მოქმედებით შეიძლება**, დაასრულა თივისი სიტყვა მინისტრმა, **სახელმწიფო დაცვის საქმე დაადგეს საიმედო და შეურყეველ გზას.** (ტაშის ცემა მარჯვენა და ცენტრში).

მინისტრის შემდეგ სხვათაშორის ილაპარაკეს ტრულოვიკებმა და სოც. დემოკ. წარმომადგენლებმაც.

ლიახნიცკიმ (ტრუდ.) განაცხადა, რომ ტრუდოვიკების აზრით, სასურველია ჯარს არ ევალებოდეს პოლიციური სამსახური, არამედ ის მუდმივათ უნდა ემზადებოდეს სახელმწიფოს გარეშე მტერთაგან დასაცვლათ.

სოც. დემოკრ. წარმომადგენელმა **ბელოუსოვმა** სთქვა, რომ ქვეყანა ცხოვრობდა და დღესაც ცხოვრობს გაუმძღარ მილიტარიზმის მოთხოვნებითა და საკმაყოფილებლათ. სამხედრო ხარჯები ყოველთვის იყო და იქნება, ვიდრე ბურჟუაზიული. სახელმწიფო არსებობს, სამგლოვიარო „ზარი“ ქვეყნის პრგრესისათვის. მუდმივი ჯარი მხოლოდ ბურჟუაზიას სჭირდება ღღემანდელ სახელმწიფოში; სოც. დემოკრატია საჭიროთ ცნობს მოისპოს მუდმივი ჯარი და მის ნაცვლათ **დაარსდეს სახალხო მილიცია**. ამიტომ ს. დ. სულ ერთიანად უარჰყოფს სამხედრო სამინისტროს ხარჯთაღრიცხვას. კამათი შეწყდა. დუმამ დაამტკიცა უცვლელათ სამხედრო სამინისტროს მთელი ხარჯთ-აღრიცხვა. ამავე სხდომაზე მიიღო დუმამ კიდევ რამდენიმე უმნიშვნელო კანონპროექტი.

30 მაისის ს'დომაზე დუმა თოთხმეტი სხვა და სხვა წვრილმანი და უმნიშვნელო კანონპროექტის მიღების შემდეგ შეუდგა ისევ კამათს ერთ მეტათ საყურადღებო კანონპროექტის შესახებ, რომელიც წინა კრებაზე წარმოადგინა 39 წევრმა, **„დუმის გლეხთა ჯგუფმა“**. ამ კანონპროექტით უნდა შეიცვალოს არსებულ კანონმდებლობის ის სტატიები, რომლებიც შეეხება გლეხთა საერო გარდასახადებს და ნატურალურ ბეგარას; კანონპროექტის აზრით საჭიროა აგრეთვე გლეხთა უფლებრივი გათანასწოება სხვა წოდებებთან.

ამ კითხვაზე ჩაწერა 54 ორატორი. ილაპარაკეს შინაგან და ფინანსთა მინისტრების ამხანაგებმა; მათი აზრით ჯერ-ჯერობით მოუხერხებელია ასეთი ცვლილების შეტანა კანონმდებლობაში; შემდეგ სესიისთვის მთავრობას მაინც განზრახული აქვს ამ გვარი კანონპროექტები წარმოუდგინოს დუმას და გადაწყვეტილია ცხოვრებაშიც გაატაროს.

თითქმის მთელი დუმა, გარდა ზოგ მემარჯვენე ორატორებისა, ერთხმად მოითხოვს, რომ ეს კანონპროექტი

ქტი დაუყოვნებლივ გადაეცეს შესამუშავებლათ განსაკუთრებულ კომისიას, რომელიც შედგება 44 კაცისაგან.

ოქტომბრისთვის სახელით **შიდლოვსკი** აცხადებს, რომ ფრაქციას არ სურს წინააღმდეგობა გაუწიოს ამ კანონპროექტს და თუ მაინც და მაინც დუმას ნებავეს ამ საქმისთვის განსაკუთრებული კომისიის არჩევა, დეე აირჩიოს, მარა ეს კი უნდა ვიცოდეთ, რომ ეს კომისია მხოლოდ სახელისთვის დარჩება და არა საქმისთვის, ვინაიდან მას დუმის მომავალ სესიამდე მუშაობა არ შეეძლება.

ს. დ. ფრაქციის ორატორმა, **ბელოუსოვმა** კი სხვათა შორის სთქვა: „იცის რა სოფლის დღევანდელი საშინელი მდგომარეობა, სოციალდემოკრატია მიესალმება იქამდე დუმის „გლახობა ჯგუფის“ ხმას, რომლითაც ის მოითხოვს ბატონყმურ ბორკილებიდან რუსეთის გლეხკაცობის დახსნას.“ ფრაქციის აზრით; აუცილებლათ საჭიროა დაუყოვნებლივ არჩეულ იქნას კომისია, რომელიც შეიმუშავებს ამ მართლაც და მეტათ საყურადღებო საკითხს.

კომისიის არჩევას მხარი მისცა დუმის ყველა ფრაქციამ; წინააღმდეგი ილაპარაკეს მხოლოდ მთავრობის წარმომადგენლებმა და ორიოდ მემარჯვენე ორატორმა. მემარჯვენე ფრაქციათა დეპუტატები მხარს უჭერდნენ კანონპროექტს და იმავე დროს ერთი მხრივ თანხმობას უცხადებდნენ მთავრობის წარმომადგენლებს, მეორე მხრივ სასტიკათ კიცხავდნენ კადეტთა ორატორებს (შინგარევეს, როდინევეს), რომლებიც დიდი რიხით უცხადებდნენ თანაგრძნობას გლეხთა გათანაფრთხილების იდეას.

კამათი დასრულდა, მარა, რადგანაც კვორუმი არ დარჩა, ხმის მიცემა გადაიდო შემდეგი კრებისთვის.

4 ივნისის სხდომაზე დუმას სხვათა შორის კამათი ჰქონდა ერთი საყურადღებო კანონპროექტის გამო, რომელიც შეეხება ქ. მოსკოვში გენერალ შანიავსკის სახელზე სახალხო უნივერსიტეტის დაარსებას.

ეს კანონპროექტი კარგა წნის შემდეგ დასრულებულ იქნა კომისიაში სახალხო განათლების სამინისტროს მიერ სამგვარი ცვლილებით, რაც საგრძნობლათ ასუსტებს და ასხვავებს წინანდელ კანონპროექტის შინაარსს. სამინისტროს ეხლანდელი კანონპროექტით აკადემიური თავისუფლება, რაც სახალხო უნივერსიტეტში უნდა დამყარებულიყო, სრულიათ უარყოფილია. მიუხედავად ამისა ამ კანონპროექტის მიღებას დასთანხმდა, როგორც დუმის კომისია, ისე შემომწირველის წარმომადგენელი, ვინაიდან ამას მოითხოვდა მათი აზრით ქ. მოსკოვის და ხალხის ინტერესები.

მომსენებელს პასუხი მისცა **სახალხო განათლების მინისტრმა**, რომელმაც განაცხადა, რომ მას არ შეეძლო ყურადღება არ მიექცია და ცვლილებები არ შეეტანა ისეთი საქმის კანონპროექტში, როგორსაც წარმომადგენს შანიავსკის უნივერსიტეტი და რომლის მსგავსი დაწესებულება არა თუ რუსეთში, არამედ ევროპაშიაც არ მოიპოვება. ცვლილებების შეტანა აუცილებელი იყო, ვინაიდან

ნაიდან როგორც უნდა იფიქროთ სახალხო განათლების სამინისტროს დანაშაულებზე, ის მაინც ვალდებულია დაიცოს ყოველგვარ განმანათლებელ დაწესებულებაში სახელმწიფოს ინტერესები; საჭიროა ასეთი დაწესებულების მოქმედება ისეთ ფორმაში იხატებოდეს, რაც სახელმწიფოსთვის მავნებელი არ იქნება; დაწესებულების სხვა გვარი დანიშნულება და შედეგები მას სულაც არ აინტერესებს.

მინისტრის ასეთ განცხადებაზე კადეტების ფრაქციამ ერთხმათ აღიარა, რომ დუმა სამინისტროს მიერ კუთხეშია მიმწყვდეული და მას ეუბნებიან: „მოიტა ან ფული, ან სიცოცხლე და რადგანაც დაწესებულება ძალიან სატრფიალოა და საყურადღებო, ამიტომ იძულებულია — დათმოს ფული“, თუმცა ის კანონპროექტი, რომლის თანახმათ უნდა დაარსდეს ეს დაწესებულება არა თუ უფარგისია, არამედ ძირითადად ეწინააღმდეგება შემომწირველის ნება-განზრახვას. „უვიცობის ჯდომეხვარაში, განაცხადა დეპ მაკლაკოვმა, ერთნაირად დაინტერესებულია, როგორც მთავრობა, ისე საზოგადოება; საზოგადოებამ მოგვცა ამ საქმისთვის, რაც შეეძლო, მთავრობა კი მხოლოდ მის ჩაშლას შეეცადა!“

მემარჯვენეთა მხრიდან უნივერსიტეტის წინააღმდეგ ამხედრდნენ და მთავრობის დამცველათ გამოვიდნენ: დეპ. ზერეშეველი და ტიმოშენინი. პურიშკევიჩის აზრით სულაც არაა საჭირო დღეს ასეთი უნივერსიტეტი, ვინაიდან ის რევოლუციონერებს ზრდის და ამით დიდ ზარალს გვაყენებს, თუ რევოლუცია დღემდე რუსეთში ვერ იმარჯვებს, ამის მიზეზი ისაა, რომ სახალხო შკოლა ჯერ კიდევ არ გადასულა მათ ხელში, 17 ოქტომბრის შემდეგ კი ამას ძალიან ცდილობენ რევოლუციონერები და თუ ჩვენ მათ წინააღმდეგ განსაკუთრებული ზომები არ მივიღებთ, რევოლუცია 5-9 წლის შემდეგ თუ არა 20-21 წლის შემდეგ მაინც ისევ განმეორდება.

ტიმოშენინი კი წინადადებას იძლევა, შანიავსკის ფული სახალხო უნივერსიტეტის ნაცვლათ გადაეცეს ქალთა სამედიცინო ინსტიტუტს.

შურნალ-გაზეთებიდან.

გაზ. „Голосъ Кавказа“-ში (№ 601) დაბეჭდილია:

„მოღალატურათ მოკლულ იქმნა უმწუო არქივისკოვსკი. ან იქნება ესეც ცილის წამებაა ჩვენი მხრით? ეხლა თქვენ ერთის მხრით დაჟინებით ალაპარაკდებით ბოროტ-მოქმედების **საზოგადოებაზე** და მეორე მხრივ, დაიწყებთ ნუბზის ცემას იმით, რომ მკვლელები დატყევილი არიან და მართლმსაჯულების ხელში გადაცემულნი. მაგრამ ბოლოს მაინც შეისმინეთ, რომ პირველი ფუქი სიტყვებია და მეორე კი აღმ.შფოთებული უაზრობაა, ამის გაბემა სრულებითაც ძნელი არ იქნება იმისთვის, ვინც მოიგონებს თუ რა პირობებში მობრძანდა თფილისის ნოკლული მაღალ-ყოვლად უსამღებლოესი ნიკონი. მას ქვეშევრდომმა სამღვლელოებამ დემონსტრაციულათ არ აღიარა მისი ზარისხის შესაფერი შეხვედრა; შემდეგ მასვე გამოუცხადეს ბოიკოტი. ეს იყო ისე ცოტა ხნის წინათ, რომ ამის დაფიქრება ძნელია **იმათთვისაც კი**“

ვისი მესხიერება არ აღემატება ქათმისას... ძნელი წარმოსადგენია, რომ დღესდღეობა ექსარხოსი უხერხული (неудобно) ყოფილიყო „ტუზემეცისა“-თვის, რომელმაც იგი მოკლეს“. (კურსივი გოლოს კავკასიისა).

* *

გ.ზ. „ნაპერწყალში“ (№ 5) დაბეჭდილია:

„განსაკუთრებით ყურადღებას იპყრობს ერთი არაჩვეულებრივი საზიზღარი ამბავი. ეს არის ექსარხოსის მოკვლა... ჩვენ დარწმუნებული ვართ, რომ აქ მოქმედებს უგუნურთა კერძო შურის-ძიება; ეს საქმეა ისეთი პირების, რომელთაც არავითარი კავშირი არ აქვთ არც საზოგადოებასთან და არც რ იმე პოლიტიკურ მიმართულებასთან. ეს საზოგადოების ნაძირალეობა... ექსარხოსის მკვლელობა სასამართლოს წინაშე წაყენება—ერთადერთი საშუალებაა ამ ჩირქის სამუდამო მოწმენდის და ადგილობრივ ერთა პირნათლად გამოვლის (კურსივი ჩვენია). და რომ მკვლელს შესწევდეს ცოტადენი მაინც მამაცობა, ის რომ ლაჩარი არ იყოს—ის თვითონ გამოცხადდება და იტყვის რამ აიძულა ის ამ საქმის ჩადენა.“

.... კი მაგრამ, აქ რა შუაშია ადგილობრივი ერები?!. ბრძენო ედამო ავგახსენი!.. ამას ასე სწერს მხოლოდ „გოლას კავკასია“. მაგრამ არა, ამას „გოლ. კავკასია“-ც არა სწერს. როცა ვაკ. „-ემ შეუძახა ამ გაზეთს: არ შეიძლება შეურაცყოფა მიაყენოთ მოელ ხალხს, მარტო იმისთვის, რომ ექსარხოსის მოკვლის ექვი აქვთ „გიდაც ორ ტუზემეცზე“, „გოლ. კავკასიამ“ უბასუსა:

„რისაკვირველია, არავის აზრით არ მოუვა საქართველოს ექსარხოსის მოკვლა ბრალად მთელ ქართველ ნაციას, მაგრამ, დაბევთანხმებით, რომ განსაზღვრული ნაწილი „პატივისა“ მაინც ედება მთელ ნაციას...“ (№ 605)

.... ტერორისტულ აქტს „ნაპერწყალთან ერთად ჩვენს სასტიკათა გვომბ“. როგორც საშუალება ზოლიტიკური ბრძოლისა, მკვლელობა და ყოველგვარი ძალადობა ინდივიდუალურია ეს თუ „ზარტიზანული“ დღით მავნებელია თვით იმ საქმისთვის, რასაც თვით რევოლუციონერი ზარტიები ემსახურებიან. ხოლო კერძო და ზარდა ინგარიშების გასსწორებული ნახმარი ძალადობა—და ისიც ნახმარი ქურდულად და მიზანგარეშად—რომ ყოველთა საზიზღარი და აღმშფოთლებელი ავაზაკობა ყველა იმისთვის, ვისაც სრულიად არ დაუპირგავს აღმინის „მსგავსება და ხატება“ ეს აშკარაა, ამაზე ხომ ლაზარეტი მეტია. ჩვენ და „ნაპერწყალი“-ც რომ დიდი ხანია სასტიკათა გვომბო ტერორს ეს იტის ყველამ, ვისაც კი აქვს „თვალნი ხედვით და ყურნი სმენით“. დიას, იცან ყველა იმით, ვისაც რისმე გაგება უნდა; არ იცან მხოლოდ იმით, ვინც საბაბს ეძებს ჩვენს წინააღმდეგ, საბაბს ეძებს ხალხის წინააღმდეგ და გამართლებას ცდილობს თოსგვარ რეპრესიუ-სიებისას. მაშ რაღათ ავიწყდება „ნაპერწყალს“ ის მარტივი და ნათელი აზრი, რომ „უეკრნებულად ყრუ აზრს, ვისაც არ უნდა გაგონება“...

* *

ი ავისიანებისაგან გულწრფელნი ისდა დაგვრჩენია, რომ ვინუგვმობთ—თუ კი მწიანადმდეგებს სიკეთე სანუგუმოა—რომ

კადეტი იზგოვეი გაზეთ „Речь“-ში სამართლიანათ სწერს შემდეგ სტრაქონებს:

„კავკასია აღუღებული ქვაბია ნაციონალურ საკითხებისა, და უნდა ერთხელ და საბოლოოდ შევიგნოთ, რომ „ინოროდ-ცების“ (არა რუს ერების) ბასრისის გზაზე ჩვენ დავგვრჩა მხოლოდ ერთი ნაბიჯი—მათი („ინოროდების“) სრული ამოწყვეტა. „ნოვოე ვრემისა“ ერთმა სულის ჩამდმელობა, მენშიკოვმა—უნდა ეს სიმართლე მიუძღოდ მას—კიდევ იქონია გამბედაობა ეს დაელაპარაკა. იგი ურჩევს რუსის მთავრობას სომხების საკითხში მიჰბადოს ოსმალეთს: „მარტო ოსმალეთმა გასცა სომხების „ბუნტს“ (ამბოხებას) პასუხი ისე, როგორც ამას ითხოვდა „ბუნტის“ ბუნება... სომხების ტერორს ოსმალეთის სულთანმა უბასუხა ოსმალური ტერორით და „ბუნტიც მალე ჩააქრა“. (მენშიკოვი) ...უღრმესათ უნდა გეზიზღებოდეს საკუთარი ნაცია, რომ მას ასეთი სწორ-უზოვარი რჩევა მისცე... ჩვენის აზრით, უმთავრესი ბრალი „ვორონცოვის რეჟიმისა“ იმაში მდებარეობს, რომ პრაქტიკულად, საქმეზე მან (ნამესტნიკმა) არავითარი რეფორმები არ განახორციელა და ამიტომაც მან ვერ შეიძლო მთავრობის წარმომადგენლის გარშემო შემოეკრიბა უფრო ხალი საზოგადოებრივი ძალები“.

აი, მიუდგომელი და გაბედული სიტყვები ჟურნალისტისა.

სომეხთა კათოლიკოსის არჩევის შესახებ.

როგორც „ჩვენი კვალის“ მკითხველებმა იციან, ამ შემოდგომას, ოქტომბერში მოხდება სომეხთა კათოლიკოსის არჩევა. ყველა ეპარქია აირჩევს თითო დეპუტატს, რომელნიც თავს მოიყრიან ეჩმიაძინში და აირჩევენ კათოლიკოსს. გარდა ხალხის მიერ არჩეულ დეპუტატებისა, ყველა ეპარქიის სასულიერო წოდებას, სამღვდლოებას უფლება აქვს გაგზავნოს ერთი დეპუტატი, რომელიც მონაწილეობას მიიღებს არჩევნებში, ერთი ხმის უფლებით. ეს უფლება სამღვდლოებას ეძლევა „პოლოჩენიის“ ძალით. გარდა რუსეთისა და კავკასიის ეპარქიებისა, ოსმალეთის—სომეხთა, სპარსეთის—სომეხთა, ამერიკის—სომეხთა ეპარქიებისა და სხვ და სხვა ადგილების სომეხებსაც აქვთ უფლება, რომ არჩევნებში მონაწილეობა მიიღონ. საჭიროთა ვცნობთ ესთქვით, რომ კათოლიკოსი ირჩევა ხალხის მცირე ნაწილის მონაწილეობით, რადგანაც „პოლოჩენია“ ძლიერ ამოკლებს ხალხის უფლებას. საკათოლიკოსო კანდიდატებათ სახავენ რამდენიმე გა-მოჩენილ ეპისკოპოზებს:

1. კ. პოლისის (სტამბოლი) აღრინდელი პატრიარქი მატეოს იზმირლიანს, რომელიც თავის პროგრესიულ აზრებისთვის გაგზავნილია იერუსალიმში.

ამ პატრიარქს სხვათა შორის ღვაწლი მიუძღვის, რომ 94—96 წლებში ოსმალეთის სომეხთა ჟღერვა ძალიან არ გაგვრცელდა. ერთის სიტყვით სახელოვანი პირია, და ამოაჩვენის შანსები ყველაზე მეტი აქვს.

ამის კანდიდატურას აყენებენ ყველა პროგრესიული ელემენტები.

*) მენშიკოვი სწერდა, რომ ექსარხოსის მოკვლა ვორონცოვის რეჟიმის ბუნებრივი რეზულტატია.

მასწავლებელი.

(მოთხრობა.)

I

დილის ათი საათი იქნებოდა; მოკრიალებულ და ლურჯათ მოკამკამე ცის კამარზე მზე კარგა მალლა ამოცურებულიყო და თავის გამომაცოცხლებელ სხივებით თბილისსაც თვალწარმტაც ნათელსა ჰფენდა.

გაზაფხულის პირი იყო; ბუნება ახლათ იღვიძებდა; ის თანდათანობით მწვანე ხავერდით იმოსებოდა და ნაზ ყვავილებათ იფურჩქნებოდა. თბილი ჰაერი საამურ სურნელებით იჟღენთებოდა. ახლათ მოფრენილ ფრინველთ სიხარულით ჟრიაშული გაჰქონდათ და მწვანე ნორჩ ფოთლებით შემოსილ ხის ტოტებში განუწყვეტლივ ფთხრიალობდნენ.

გაზაფხულის ნელი ნიაფი აქეთ-იქით ცეცქათ დაჰქროდა, დასისინებდა და აფერადებულ ყვავილებს რაღაც იღუმალათ ელაშენებოდა; ის ხან აქ უცბათ შეარხევდა ყვავილებს, ხან იქ აშორიალებდა ხის ფოთლებს და შემდეგ საღაც მიიკარგებოდა. აღვართქაფებული და ამღვრეული მტკვარი ვიწრო კალაპოტს აქეთ-იქით აწყდებოდა და გაშმაგებული ღრიალებდა; კლდის ნაპრალებს, ხიდის ბურჯებს და მის ნაპირებზე ამართულ სახლების კედლებს ის გააღმასებული ეხეთქებოდა და აქაფებულ ზვირთებს ზვირთებზე მრისხანეთ მიერეკებოდა.

სიცოცხლით, სიმშვენიერით და სიკეკლუტით აღსავსე ბუნება მზიარულობდა და თავის მადლიან კალთაში გახვეულ ყველა ცოცხალ არსებათ თავის მომჯადოებელის ზე-გავლენით ხიბლავდა. თავის დიდებულის და მადლიანის კალთით უხვად დაჯილდოვებულ და სანეტარო, მაგრამ უკუღმართ ცხოვრების პირობებისაგან მოშმაშულ აღმაშენის არსებასაც ის რაღაც სასიცოცხლო ნექტარს ჰმატებდა და ახარებდა. მდიდარი და ხელოვანი ბუნება მასაც ანდამატივით თავისკენ იზიდავდა და მის პატარა, მაგრამ ზღვაგულს ზე-შთანხები მალალი გრძნობებით ატკობდა და სასიამოვნოთ აღელვებდა.

ქალაქის განაპირათ, გორაკების ფერდობებზე შეფენილ ღარიბ უბნის ერთ პატარა სახლის აივანზე—საიდგანაც მთელი უზარმაზარი ქალაქი ხელის გულივით მოსჩანდა—ნიკო რთველიაშვილი სკამზე ჩამოჯდარიყო და შორს ცის სივრცეში ნაღვლიანათ გაიციქრებოდა.

მის დაღარულ, შექმუხნილ შუბლზე და მოღრუბლულ, დამქნარ სახეზე—რომელზედაც ყველაფრისადმი ზიზღი აღბეჭდილიყო—ნათლად წაიკითხავდით, რომ ცხოვრების უღმობელ პირობებს მისთვის ბევრი ნაღველი დაელევინებინა და სიცოცხლე გაეწმარებინა.

ჩიორსავით გამხმარ, წვრილ და გრძელ ტანზე ძველი სერთუკი ეცვა, რომელიც მის მოხრილ მხრებზე უშნოთ ეკიდა; მის ჩავარდნილ გულ-მკერდს ოდესღაც გაკრახმალებული, დაქმუქნილი პერანგი ჰფარავდა, რომლის ფართე საყელოდან მამლაყინწასავით წინ წაგრძელებული მაჯის სისხო კისერი ამოდიოდა და მზე

2. ახლანდელი სტამბოლის პატრიარქი მალაქია ორმანიანი, რომელიც განვითარებული და დიპლომატი პირია, მაგრამ მან თავის იეზუიტურ და სულთანის წინაშე ლაქიურ ხასიათის გამო, ხალხის სიმპატია ვერ მიიზიდა. ამის კანდიდატურას ემხრობიან ყველა წაციონალისტური და კლერიკალური ელემენტები. აქ საჭიროა ესთქვათ, რომ სულთანს ნება მიუცია—ოსმალეთის სამხობამ მონაწილეობა მიიღოს ამ არჩევნებში, მხოლოდ იმ პირობით კი, რომ ოსმალეთიდან მოსულმა დეპუტატებმა თავიანთი ხმა მისცენ ზემოხსენებულ პატრიარქს.

3. გარდაცვალბულ კათოლიკოსის მოადგილე არქი-ეპისკოპოზი სურენიანი, რომელიც რამდენიმე წლის წინად ქართლ-კახეთის და იმერეთის ეპარქიის უფროსად იყო. ამას ემხრობიან ყველა კონსერვატორები.

ამათ გარდა არიან კიდევ რამდენიმე პირები, რომელნიც დამსახურებულნი არ არიან.

„პოლოჟენის“ ძალით საკათოლიკოსო კანდიდატი უნდა იყოს მხოლოდ სასულიერო წოდებიდან, მაგრამ წელს გაზ. „მშაკ“-მა აღძრა ის კითხვა, რომ უეჭველათ საჭიროება არ მოითხოვს, რომ სასულიერო წოდებას ეკუთვნოდეს საკათოლიკოსო და შეიძლება ამორჩეული იყოს პირდაპირ ხალხისაგან, რომელსაც შეეძგეში მიეცემა მღვდლობა, ეპისკოპოსობა და მერმე კათალიკოსობა.

რა გზას ადგანან პარტიები?

1) რა თქმა უნდა რომ ყველა კონსერვატიული, კლერიკალური და მსხვილი ბურჟუაზიის წარმომადგენლები გახურებულ მონაწილეობას იღებენ არჩევნებში, რადგანაც ისინი კათალიკოსს სცნობენ ერის თავათ, რომლის უფლებები უსაზღვროა. ამათ ეძახიან ნორდ-არაკანებს.

2) ცრუ ლიბერალები, ესე იგი „მშაკის“ მომხრენი თუმცა ლიბერალურ სარჩულს იკრავენ და იძახიან რომ კათალიკოსის უფლებანი განსაზღვრულია, მაგრამ ეს მხოლოდ სიტყვაა; ესენი თავიანთ აზროვნებით იმავე გვარის ნაციონალისტები არიან, და ემზგავსებიან იმ ყვავს, რომელსაც ფარშევანგის ბუმბული ასხია, რადგანაც მხურვალე მონაწილეობას იღებენ საკათოლიკოსო არჩევნებში.

3) დაშნაკაკანები თუმცა ოფიციალურათ მონაწილეობას არ იღებენ არჩევნებში, მაგრამ ასე თუ ისე კათალიკოსის მომხრენი არიან, რადგანაც კათალიკოსს სცნობენ იმ პიროვნებათ, რომელმაც სომეხთა კითხვა უნდა აღძრას ევროპის დიდ სახელმწიფოების წინაშე.

ეს ცრუ-სოციალისტები ორ ბანაკათ არიან გაყოფილი; ერთი მათგანი ბოიკოტის მომხრეა. ესენი ს.-რ. აზრს ადგანან.

4. ჰანჩაკისტები, როგორც ს.-დემოკრატიულათ მოაზრენი, ბოიკოტის მომხრენი არიან, რადგანაც ამ გვარი მონაწილეობის მიღება იმათი აზრით აბნელებს პროლეტარიატის თვით-ცნობიერებას.

5) სომეხი ს.-დ.-ბი ჰანჩაკისტების აზრს ადგანან და ბოიკოტს უცხადებენ.

ერთი სომეხი.



თითქოს ძალათ დაკაწიწებულ გაძვალ-ტყავებულ თავს ძლივს იმაგრებდა. კისრის ყველა ძარღვების დათვლა სულ ადვილათ შეიძლებოდა. მის ლამი-ტოპიასავით მაღალ და წვრილ ფეხებზე ფართეთ ჩამოკიდებული, გახეხილი და ტოტებ-შემოცვეთილი შავი შარვალიც მწარე სიღარიბეზე მკერმეტყველურად ღაღადებდა. ნაქრებით დაკნკილ მის ფეხსაცმელებიდან იგივე სიღარიბე გამოიქტირებოდა.

ფეხი-ფეხ „გადაღებული და მუხლებზე ხელებ დაყრდობილი, ის ქანდაკებასავით უძრავათ იჯდა. მისი შემოდგომასავით პირ-მოქუშული სახე და შუბლის ძარღვების დრო-გამოშვებითი მოძრაობა ამტკიცებდნენ, რომ მის თავში შავი და მწარე ფიქრები ერთი-მეორეს ნაწყვეტ-ნაწყვეტათ მისდევდნენ.

—უსამართლო და უკუღმართია ცხოვრების ბრუნვა-ფიქრობდა ის-რომელიც დღე-მუდამ უწყალოთ სრესავს და სთელავს, სწაღავს და შხამავს აუარებელ ადამიანთა სიცოცხლეს; მისი საძირკველი, მისი ქვა-კუთხელი ადამიანების სისხლისა და ცრემლის ზღვით არის გაქვნილი.

სიბნელით მოცულ, გულ-ქვა ცხოვრების მრავალსაფეხურებიან და გრძელ კიბეზე მონა-ადამიანები გამხეცვლები ერთი-მეორეს ებრძვიან; მისი უღმრთელი პირობები თვითველ მათგანს აიძულებენ, რომ მან სხვებს ფეხ-ქვეშ ნიდავად გამოაცალოს, ძირს სილატაკის უფსკრულში ჩაყაროს და მათი უბედურება თავის ბედნიერების საფეხურად გამოიყენოს. კიბის ყველა საფეხურებზედ მყოფნი მუდამ რყევასა და შიშში არიან; ისინი მკვიდრ ნიდავზე ვერ გრძნობენ თავს და კარგათ იციან, რომ ბრმა ცხოვრება დაუნდობელია; ის დღეს მალა ავიყვანს იმისათვის, რომ ხვალ მოულოდნელად სარმა გამოგვრას და თავდაყირა გადმოგისროლოს.

ადამიანები კმაყოფილნი არ არიან თავის მდგომარეობით; ისინი მუდამ მოუსვენრობაში არიან და ამაოდ ცდილობენ, რომ თავის მდგომარეობა განამტკიცონ და უზრუნველ-ჰყონ. მათ თვითონაც არ იციან, ხვალინდელი დღე რას მოუტანს; ისინი ცხვირ წინ ვერაფერს ხედავენ და ბრმათ ემორჩილებიან ცხოვრების ტრიალს, რომელიც მათ თავის სურვილისამებრ ნაფოტებით დააქანებს. ის ყველას იწონებს, ყველას თავისებურათ ათამაშებს და ამოძრავებს.

მაშვარალნი და წამებულნი, რომელთა ოფლიან მხრებზეა დაყრდნობილი ცხოვრების ეს უზარმაზარი და მძიმე კიბე, ქედ-წახრილნი ძირს ჩაბლუიან და იმას ვერ ამჩნევენ, რომ ქვეყანას ისინი აწოვებენ ძუძუს. უსამართლობაზე დაყრდნობილ უკუღმართ კიბის დანგრევის ნაცვლათ, ისინი შეუფერებლად სჭედავენ თავის ბორკილებს მით, რომ თვითონვე ამაგრებენ მათივე უბედურების საძირკველს. დაბრმავებულნი ისინიც ცდილობენ ამ კიბეზე მალა ატოცებას, სიმდიდრის მოხვეჭას და მით ვითომდა თავის თავის უზრუნველ-ყოფას; მათ იმედოც აქვთ, რომ ხვალ უთუოდ მიახწევენ ამ მიხანს;

ლაქე და დღე ისინი მხოლოდ ამ იმედით სულდგმულობენ, მაგრამ ამათ მისდევენ ისინი ამ ტკბილ მოჩვენებას; ცხოვრების აჩრდილი აჩრდილათვე ჩაჩება.

ცხოვრების დაბალი საფეხურები ყველაზე უფრო მოლიბული და უნდობია; სიმდიდრის მაძიებელთ მოულოდნელათ ფეხი უსხლტებათ და ქვევით ყირამალა ცვიიან. მხოლოდ თითო-ორალა ადამიანობა-გარეცხილი და პატოისნებით მოვაქრე სხვების ზურგზე მალა-მალა მოხერხებულათ მიცოცავენ და ლამობს იქ ბედნიერებით დატკობას...

ადამიანები ერთი-მეორეს მეგობრულათ ხელს უწვდიან და შესცინაან, როდესაც ამას სარგებლიანობა მოითხოვს, ან კიდევ ერთი-მეორეს მხეცურათ უბღვერიან და შესაქმელად არ ინდობენ, როდესაც საქმე იმავე სარგებელზე და სარფაზე მივარდება.

ქვეყნის ამშენებელნი და მასხარდობებელნი, დღეს უგულო ცხოვრებისაგან გარიყულნი და ჯოჯოხეთურ გარემოებაში ჩაცვინულნი უმწეოთ და ყრუთ გმინავენ; ისინი ცხოვრების ზღვაში იხრჩობიან და მათ ხელს კი არავინ უწვდის. ხორველასავით ყველანი გაურბიან და შორიდან გულ გრილათ შესცქერიან მათ წამებას, იმიტომ რომ სიბრმავის გამო არ მოელოან ხვალ იმათი ბედის განაწილებას. უსაქმურნი და უშუშავარნი ცხოვრების ზედ-მეტ ბარგად გადაქცეულან და სიმშლით ცოლ-შვილიანათ ბუზებივით იყუჩებიან.

მალა საფეხურებზე კი ხარობენ და იცინიან, იმიტომ რომ დაბლა ტირიან და ტანჯვა-ვაებაში სულსა ლევენ; მალა სიტკბობაა, იმიტომ რომ დაბლა სიმწარეა; მალა ფუფუნება და განცხრომაა, იმიტომ რომ დაბლა სილატაკე და სიმშლია...

აი თუნდაც ამ უზარმაზარ ქალაქში—რომელიც ასე დიდებულათ გადაჭიმულა—ვინ იცის რამდენი ცრემლი და ნალველია დაგუბებული, ვინ იცის ჩუმათ რამდენი გმინავს თავის ქერ-ქვეშ ულუქმა-პურათ... მალალი სართულებიდან კი პასუხათ გაისმის უღარდელი სიცილი-ხარხარი...

უმუშევართა არმიასთან ერთად ვიწრო, სულის შემხუთავ გალიაში გამოწყვდეულ ჩიტსავით მეც თავ-განწირული ვეხეთქები და ამაოდ ვაწყდები ძუნწი ცხოვრებისაგან ვიწროთ ამართულ ზღუდეებს; მის მოჯადოვებულ რკინის ჩარჩოებში და ბასრ ბრქალებში მოქცეული, მეც გამწარებული მშრალზე ამოვარდნილ თევზივით ვფართხალებ, მაგრამ ამათ...

ყველასაგან დავიწყებული, მთლად გარიყული, სულით და ხორცილ ავამყოფი და დამწეული ადამიანის აჩრდილს დავემსგავსე; ცოლ-შვილთან ერთად სილატაკის ნელ ცეცხლზე ვიწვი და შეუჩერებლივ დაღუპვის გზაზე მივექანები...

და მერე რათ მხედა მე ასეთი მწარე ხვედრი?! რათ ჩავვარდი ამ ჯოჯოხეთურ მდგომარეობაში?!

იმისთვის, რომ გავკადნიერდი და ადამიანური ცხოვრება მოვითხოვე; იმისათვის, რომ უსამართლობა აშ-

კარათ ვამხილე; იმასათვის, რომ რკინის უღელში შებ-
მულ და ბორკილებ გაყრილ ხალხის სიყვარულით ავენ-
თე და წყვდიადით მოცული მისი ცხოვრების გზა-კვა-
ლი ლამაზიერით განათება მოვიწადინე; იმისათ-
ვის, რომ, როგორც სოციალისტი, ხალხის ქეშმარიტი,
ნამდვილი მასწავლებელი ვიყავ...

აი ამისათვის უსამართლო ცხოვრების ბრმა დამ-
ცველებმა უღვთო მტანჯეს, მაწამეს, საპრობილეში
დამაღბეს, ფეხ-ქვეშ გამქელეს და დამაქლეკეს; სიცოც-
ხლეს და აღმიაწურ ცხოვრების მოწყურებულ ჯერ
ისევ ახალ-გაზდა კაცის ყველაფერი, ჩემი ოჯახიკი შე-
მაზიზღეს, და მომხამეს და დასევდაებული სამარის კარ-
ზე მიმიყვანეს...

მაგრამ, დეე მეც ხალხს მსხვერპლათ შევეწირო;
დეე მათი სიბნელის გასაუბრათ მეც სანთელივით დავ-
დენე; დეე ჩემმა გაწამებულმა ძელებმაც განაპოხიერონ
ის ნიადაგი, რომელზედაც აუცილებლად აღმოცენდება
სანეტარო მომავალი. ჩემს დაკოდილ და დაწყალულე-
ბულ გულში კვლავ მაინც ღვივის დიდებული და საკა-
ცობრიო იდეალი; ის იყო, რომ მთელ ჩემ ხან-მოკლე
სიცოცხლეში მაგნიტივით მიზიდავდა და აღვლევებულ
ცხოვრების საშიშარ ტალღებზე უშიშრათ დამაქანებდა.
ახლაც არ ვუღალატებ მას... და ჩემს დაჩაივებულ არ-
სებას კვლავ მისი წმიდა ცეცხლით ავანთებ!...

მღელვარებისაგან ატაცებული, თვალბ-გაბრწყინ-
ვებული და მუშტებ-მოღერებული ნიკო ზეზე წამოიჭრა
და მტკიცე ნაბიჯით შეაღო ოთახის კარები.

შვიდი თვის ბავშვი აკვანში გასხვებული ტიროდა;
აკვანთან მუხლებზე დაცემული და თვალ-ცრემლიანი
დგდა კი გამქანარ ძუძუებს მას პირში ძალათ უდებდა...

ამ სურათმა მას შესვლისათანავე გახურებულ ტვინ-
ში ჩაქუჩივით დაჰკრა და გულზე მწარეთ უკბინა.

—ოოხ, დაწყველილო, მუხთალო ცხოვრებაჲ!..
კბილების ღრქენით გულის სიღრმიდან ამოიგრგვინვა
მან და მოწყვეტილი კუშეტკაზე დაეშვა; ამ სიტყვებ-
თან ერთად მას პირიდან სისხლის ნაკადული ამოსკდა,
რომელიც ერთ ხანს შადრევანივით ამოჩუხჩუხებდა და
იატაკზე წითელ ტბორეთ გუბდებოდა.

(შემდეგი აქნება).

ს. პარტენაშვილი.

წერილი რედაქციის მიმართ.

„ჩვენი კვალის“ მეორე ნომერში მოთავსებულია ნიკიფორე
მეგრელიშვილის წერილი, სადაც ის გვეკითხება, რათ არ გადაე-
ცით ფული სიმონოვს, რომელიც მე თქვენ მამობიზავენეთო. ვას-
რულებ ნიკიფორე მეგრელიშვილის სურვილს.

„სორაპნის“ ამხან. მიიღო სხვადასხვა დროს ნიკიფორე მე-
გრელიშვილისაგან 34 მანეთი, აქედან მას მეგრელიშვილს ემართა
ჩვენი ჟურნალ. „მასხარის“ 9. მანეთი—ჟურნალ ზაზეთები ბავშვზე-
ნა მას 29 მარტს. 10 მანეთი 85. კაპ. სულ 19 მ. 85. კაპ.

ეს ფული აიღო „სორაპნის“ ამხ. დანარჩენი 14 მ. 15 კაპ.
გადაეცით „ეკლის“ რედაქციას (მისი მმართველი—14 მ. 40 კაპ.)
რაც შეადგენს სულ 34 მანეთს. ესლა ჩვენ გვეკითხებით ნიკიფორე
მეგრელიშვილო, სიმონოვ-სათვის რაღა უნდა გადამეცა? ეს ან-
გარიში გაცნობეთ თქვენ წერილითაც 22 მაისს, და გვიკვირს ან
თქვენ თავს რათ აწუხებთ და ან რედაქციას.

„სორაპნის“ ამხ. გამ. მ. გაჩეჩილაძე.

ელექტრო-მანქანადი ამხ. „სორაპანი“, მალათოვის კუნძული, სახლი მუხრ.ნსკისა № 1.

ყოველკვირეული საპოლიტიკო, სამეცნიერო და
სალიტერატურო გაზეთი

ჩვენის კვალნი

გაზეთის ფასი:

თბილისსა და თბილის გარეთ	7 მ. — კ.
ნახევარ წლით — —	3 მ. — კ.
სამთვით — —	1 მ. 60 კ.
საზღვარ გარეთ ერთიწლით	7 მ. — კ.
ნახევარ წლით — —	4 მ. — კ.
სამი თვით — —	2 მ. — კ.

ცალკე ნომერი ყოველბან ორი შაური

ხელისმოწერა შეიძლება: თბილისში, წიგნის მაღაზია
„სორაპანი“ მალათოვის კუნძული ფოსტით ფული და წი-
რელები უნდა გამოგზავნოს ამ ადრესით:

Тифлисть книжный магазинъ „Сорапанъ“ (Мадат.
остров) Рахиль Каландадзе

ხელმოწერა წერილები არ დაიბეჭდება. დაუბეჭდავ მტკი-
წერილებს და კორესპონდენტებს რედაქცია დიდხანს არ
ინახავს, ინახება ერთი თვით მხოლოდ მოთხრობები და
დიდი წერილები.

მოლაპარაკება რედაქციასთან შეიძლება ყოველ
დღე კვირა-უქმეებს გარდა დილის 11-დან ნაშუად-
ღვის 2 საათამდე.

8 ივნისს, 1908 წ.

მუშტაიდის ბაღი.

ქართველ ქალთა საზოგადოების ჭრა-კერვის
სკოლის სასწარებლოთ გაიმართება,

დიდი სპირნოზა

ლაბარია-ალმობით.

ლატარიისთვის სხვათაშორის დანიშნულია სკოლის
მოწაფეების ხელსაქმეები: აბრეშუმით ნაკერი მუთაქები,
ბაღიშები, შირსახოცები, ცხვისსახოცები, საბავშვო და ქალთა
ტანისამოსი, ქარგით ნაკერი საცვლები, სუფურები, საღვურ-
კები და სხვა...

გარდა ხელსაქმისა აგრეთვე დანიშნულია მოსაგებათ:
საკერავის მასინები, სიმოწრები, ყავადნები, ვაზები, ზატარა,
სარკეები, ზატარა მაგიდები, ზატარა ხაღიშები და სხვა ნი-
თები.

სპირნოზის დროს ბაღი დაუბრავს

სამხედრო მუსიკა და სახანდარი, აგრეთვე გაიმართე-
ბა სხვა და სხვა გასართობები ბავშვებისთვის. ბაღში შე-
სასვლელი ფასი 20 კ. მოწაფეებისათვის 10 კ. აღმ-
რის ბილეთი—20 კ.

რედაქტორ-გამომცემელი ანთ. გიორგობიანი.